



80

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

C 40-4514

了翁上座請大藏及百家書置之武州紫雲山
我微笑塔院廬府中未
為學者不敢許出院內
青山三世鐵牛機謹誌



B 64853



天隱和尚語錄卷五

荆溪磬山語錄之三

嗣法門人通問等編



臘八日示衆僧問六年霜雪經多少夜半明星眼豁
開覩明星事則不問釋迦老子向甚麼處安身立命
師云脚跟下看進云怎麽則萬古宗猷全賴今日師
拈拄杖云倚天長劍逼人寒進云祇樹生香草曇花
匝地開也師以拄杖畫一畫云截斷葛藤進云還有
知恩報恩一句請師道師云闍黎也須道一半進云
大眾證明學人禮拜便禮拜師乃云把住也乾坤失

撰述

方正元集金華卷三

色放行也草木生輝山僧今日也不把住也不放行
作麼生商量還有知音者麼良久云今日瞿曇成道
諸方老禿譚玄惹動羣情意地塞却當人性天惟獨
磬山白眼又被諸子綿纏到這裏阿呵呵說箇甚麼
法要終不道一掣三只有箇蠻頌子與諸人通箇消
息六載雪山清修練却鋟身心如灰縱然授得明
星現也是重添眼上眉黃面老子今日被山僧鈍置
一上諸人證明還有不甘者麼出來道箇出格底句
看一僧出纔禮拜師劈脊便棒僧無語師云谷深連
夜雪壓折幾株松

示衆師云大衆大凡看古人公案不得造次須是脚
踏實地見得古人落處然後着着自有出身之路不
見當年報恩華和尚爲佛智雪堂舉哀上堂舉大覺
和尚順世謂衆云我有一隻箭子要付與人時有僧
出云請和尚箭覺云汝喚什麼作箭僧便喝覺打數
棒歸方丈次喚其僧來問汝適來會麼僧云不會又
打數棒擲下拄杖云已後遇明眼人分明舉似報恩
和尚云大覺平生用一隻箭子穿却天下衲僧鼻孔
因甚到遮僧面前折却衆中莫有爲大覺雪屈底出
來與報恩相見有麼如無育王師伯薦福師叔亦未

免喫報恩手中痛棒何故有功者賞師云大覺報恩
 二大老一箇鼻頭兩孔出氣正所謂殺人刀活人劍
 上古風規諸人切忌向此僧邊覓若也會得當堂拈
 出老僧卽與你拄杖子若也不會且向蒲團上搜索
 一回始得卓拄杖云不是藍田射石虎如何識得李
 將軍

立春示衆師云臘盡剎那際春光潑面來道人行履
 處不逐四時推躉豎起拄杖云你向未舉已前薦得
 猶是不堪更若未後承當自救不了所以道戢玄機
 於未兆釋迦彌勒攢眉藏冥運於卽化臨濟德山却

步到遮裏拶得冷湫湫不別今時驀地裏開展浩浩
 然不離劫外既然如是且道和光同塵一句作麼生
 道卓拄杖云洞門老樹梅先放惹得遊人襍沓來
 示衆舉應庵和尚上堂舉僧辭歸宗宗問向甚麼處
 去僧云諸方學五味禪去宗云我遮裏只有一味禪
 曾問如何是一味禪宗便打僧云莫打某甲會也宗
 云你作麼生會僧擬開口宗又打黃檗聞云馬祖出
 八十四員善知識個個局轆轤地惟有歸宗較些子
 圓悟師翁道若非黃檗深辨端倪洎乎勞而無功應
 庵老云二尊宿只解扶強不能扶弱若作一味禪入

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

三傳印光禪師全集卷五

三

地獄如箭其或別有生涯何異鏤水作玉且道節角
在甚麼處慕拈拄杖卓一卓喝一喝師拈云應庵老
漢具大人作略掀翻時人窠窟如虎口裏奪食着着
自有出身之路諸人還見麼雖然若道不是一味禪
埋沒歸宗若道是一味禪忽略應庵到這裏如何識
得古人落處良久云天共白雲曉水和明月流

示衆師云今朝是箇臘月半大事分分須了辦莫待
臨時有屈伸解脫門開成大患堂中箇箇老成人着
着拈來要方便言見諦剔祖燈自古傳持吹毛劍
吹毛劍有何驗當陽拈出隨人薦蕎擲拄杖云洎合

停囚長智便出堂

示衆舉雲門道若說菩提涅槃真如解脫是燒楓香
供養你若說佛說祖是燒黃熟香供養你若說超佛
越祖之譚是燒餅香供養你飯依佛法僧下去應庵
云三百六十骨節八萬四千毛竅被雲門一棒打開
了也還有爲衆竭力底麼出來爲雲門作主與歸宗
相見師云雲門老人將三分真香熏天下衲僧鼻孔
如截虛空作三節看不無氣蓋諸方應庵老人拈一
條白棒總要穿却亦是倚勢欺人大衆那裏是他一
棒處若道雲門一棒打開怎奈伊分作三節判斷若

道三分商量怎奈應庵一棒穿却到遮裏有斷得者出來與磬山相見不惟撥開二大老關楔子亦爲諸方雪屈有麼有麼良久喝一喝云雁飛不到處人被利名牽

示衆舉歸宗和尚道參學人切忌錯用心悟明見性是錯用心成佛作祖是錯用心看經講教是錯用心行住坐卧語言三昧是錯用心喫粥喫飯屙屎放溺是錯用心一動一靜一往一來是錯用心更有一處錯用心歸宗不敢與諸人說破何故一字入公門九牛拽不出師云歸宗和尚慣用抽釘拔楔之鉗錘也是這般人始得若不如是洎被瞞過了也山僧則不然出家兒須知不錯用心處參禪見性是不錯用心處成佛作祖是不錯用心處看經解義是不錯用心處行住坐卧語默動靜是不錯用心處奔南走北幹辦常住是不錯用心處更有一處不錯用心我未敢與諸人通箇消息在何故一言旣出駟馬難追你道磬山與歸宗是同是一別試道看良久云復雨消殘雪開雲見遠山

除夕示衆師云年年有箇除舊歲歲歲有箇新年來新舊不知誰改變去來無礙莫疑猜所以道已去無

有去未去亦無去離已去未去去時亦無去已住無
有住未住亦無住離已住未住住時亦無住巖頭和
尚云大凡唱教須從無欲中流出三句祇是理論咬
去咬住欲去不去欲住不住或一向不去或一向不
住可見古人發言直透一覽大藏是故釋迦老子云
我四十九年說法未嘗道着一字末上梢頭拈優鉢
羅花道箇教外別傳密授心印也是臨風賣俏雖然
大眾也須急着眼看驀豎起拂云且道與釋迦老子
是同是別若道是同釋迦拈花山僧豎拂若道是異
古今不二道聖凡無兩心也是鉢盂安柄然汝等若

提掇得起便可丹霄獨步放曠自如識得祖祖相傳
心心相印不見六祖示明上座云不思善不思惡正
恁麼時如何是上座本來面目明便轉身問云上來
密語密意外還別有意旨也無祖云我今與汝說者
卽非密也汝但返照自己本來面目密却在汝躬深
見祖師無一實法與人汝等會得便識得南泉示趙
州平常心是道不屬知不屬不知知是妄想不知是
無記若達不疑之道猶如太虛廓然豈可强是非耶
還委悉麼若未委悉急須猛着精采汗出一回始得
又不見當時茗溪和尚示衆云吾有大病非世所醫

有僧持問曹山未審是甚麼病山云攢簇不得底僧云一切衆生還有此病也無山云有僧云既有因什麼不病山云衆生若病卽非衆生僧云和尚還有此病也無山云老僧正覓起處不得今時人縱拶到遮裏不是望崖而退便於此處躲跟却成窠臼若到磬山門下好與三十痛棒遮僧又問一切諸佛還有此病也無山云有僧云旣有爲什麼不病山云爲伊惺惺你看曹山着着有轉身吐氣處汝等於此透得可以踏步向前便識古人到與不到纔見得疎山在鴻山會下聞示衆云行脚高士直須向聲色裏睡眠聲

色裏坐卧始得時疎山出衆問云如何是不落聲色底句鴻山豎起拂子疎山云此是落聲色底句鴻山便歸方丈遮裏疎山失却一隻眼遂不契乃辭香嚴嚴云何不且住疎云某甲與和尚無緣嚴云有何因緣不契疎山舉前話嚴云某甲有箇語疎云道什麼嚴云言發非聲色前不物正是以水投水似空合空疎云元來此中有人你他日有住處某甲却來相見乃去鴻山至晚問香嚴問聲色底矮闊黎在什麼處嚴云已去也鴻云向汝道什麼嚴云某甲亦曾對他來鴻云試舉看嚴云某對他道言發非聲色前不物

鴻云他道甚麼嚴云深肯某甲鴻山不覺失笑云遮矮子我將謂他有長處元來祇在這裏他後設有住處近山無柴燒近水無水喫大眾可見古人勘驗學者實非細事切不得草草後疎山復造大鴻安和尚處聞示衆曰有句無句如藤倚樹乃問忽然樹倒藤枯句歸何處鴻山放下泥盤呵呵大笑噫鴻山老人一笑直至如今笑不休何故今時有等無地頭漢死葛但逐句下個註脚自瞎猶可更瞎他人可不更使鴻山笑轉新也山僧見昔日有箇俗漢也不曾參禪也不會慕道剛在馬祖庵前過卽石葦也問馬祖云

有鹿過否祖云汝是什麼人葦云我是獵人祖云汝旣獵人善射否葦云善射祖云一箭射幾箇葦云一箭射一箇祖云汝不善射葦云師善射否祖云善射葦云一箭射幾箇祖云一箭射一羣看他鈎頭有鉤葦云彼此皆是生命何得射他一羣一鉤便上祖云你恁麼何不自射葦頭一劄石葦到遮裏露出本來面目便云若教某自射無下手處祖抗聲大喚云遮漢曠劫無明從此蕩盡葦便擲下弓箭正所謂牢籠不肯住呼喚不回頭千聖絕安排至今無住所你看石葦是箇俗漢子於馬祖言下便道無下手處可不

撰述

天龍和尚語錄卷五

八

超過曹山了也乃舉拂云大衆已上一隊老漢皆是大宗匠赤手提持今夜被山僧拂子穿却鼻孔擲向諸人面前還見麼若見得便好孤峰絕頂蟠結草庵無心出世而譽播寰區無心濟物而德洽湖海到遮裏年窮歲盡且道徹頭徹尾一句作麼生道喝一喝云驪龍不卧澄潭水猛虎還藏深谷林

旦日示衆師以拂打一圓相復拋後云新年頭上佛法信手拈來豁達撞着無位真人打算全無合煞剛道拾隻達磨皮鞋放下時元來是愁布袋破衲一年四季好風光枝頭春鳥喃喃嘴又滑聒聒狼藉幾多

沒搃搔喝一喝云日月明天象山河壯帝都

示衆舉雲門云你若不相當且覓箇入頭處微塵諸佛在你舌頭上三藏聖教在你腳跟底不如悟去好還有人悟得麼出來對衆道看師云雲門老人雖慈悲之故而有落草之談山僧若在衆中便道恁麼則不相當也何故不見他將佛法賤使今日衆中有人出來掀倒禪牀喝散大衆山僧劈脊便棒且道是賞伊是罰伊

燈節示衆師云光前薦得截斷衆流照後知歸踢翻影像不是依依稀稀零零落落當得平生直饒得似

撰述

李公朴詩集

九

澄潭月影靜夜鐘聲隨扣擊以無虧觸波瀾而不散
 猶是生灰岸頭事明則普天匝地明暗則普天匝地
 暗要且明不自明暗不自暗所以道當明中有暗勿
 以暗相遇當暗中有明勿以明相覩不見當時百丈
 深撥鴻山便知落處龍潭吹滅德山忽爾洞然老僧
 今晚也不用吹滅也不用深撥蓦壁拂子云大眾還
 見麼於此見得徹去人人常光現前個個壁立萬仞
 順逆卷舒縱橫自在正與麼時且道應時及節一句
 作麼生道良久云巖上雪消春水濶庭前玉綻蝶梅
 香

示衆林臯問雲影到山賓作主溪聲入海主爲賓賓
 主歷然如何施設師舉如意云還見麼進云敢謂是
 和尚爲人處也無師云知則不問進云騰騰烟雨裏
 春濤送客新師云且過一邊進云臨濟大師道我於
 黃檗先師處喫三頓痛棒如蒿枝拂相似爲是報恩
 耶伸冤耶師云你還知麼進云和尚在禹門大師處
 曾喫棒也無師云老僧忘却了也進云恁麼則法法
 盈千古燈燈焰不晦便禮拜師云聽取乃云當臺顯
 露觸處洞然豈容鑿壁偷光覲面提持隨方應用那
 許顛預取性若是作家戰將不必如之若何如其臨

撰述

秀隱和尚語錄卷五

十一

陣遲疑未免機前失照所以道決行者不顧於後決戰者不顧於首登山須到頂入海須到底入海不到底不知滄溟之淵深登山不到頂不知宇宙之寬曠是以古人三登投子九上洞山只爲端的此事直得劄劄地打風打雨浩浩然蓋地蓋天不見德山老人見人入門便棒臨濟大師見人入門便喝從上宗乘如是作略山僧雖是他家兒孫不用遮些茶飯且道卽今當陽直指一句如何爲衆通箇消息驀豎如意云看若將遮箇名如意昧却當人底本來

示衆舉僧問雲門佛法如水中月是否門云清波無透路僧云和尚從何得門云再問復何來僧云便與麼去時如何門云重疊關山路師云雲門老人此三轉語內有函蓋乾坤句有截斷衆流句有隨波逐浪句山僧今日一一點破可惜當時遮僧水中捉月若人透得許伊親見雲門若不如是佛法猶未夢見在參

中秋日謝新舊頭首執事示衆師云宗風不墜全憑作者提撕法道流行須藉賢能酬唱表師得人紀綱斯立視虛空遍界爲一室攝情與無情爲同參到遮裏法法全彰心心無間事理圓融權實並用退之者

撰述

齊隱和尚詩錄卷五

安閒修證進之者勇猛嚴持不進不退一句且作麼
生道喝一喝云秋月長夜涼山桂滿庭香好箇真消息
從君漫度量

示衆舉僧問風穴古曲無音韻如何和得齊穴云木
雞啼子夜芻狗吠天明妙喜云這黃面浙子恁麼答
話也做他臨濟兒孫未得在今日或有人問徑山古
曲無音韻如何和得齊只向他道木雞啼子夜芻狗
吠天明師云妙喜老人直饒恁麼答亦未作得風穴
兒孫磬山則不然有人問古曲無音韻如何和得齊
但與他道天明芻狗吠子夜木雞啼

示衆師拈拄杖云今朝十月一秋光漸漸歇報道冬
令嚴籬頭吹觱篥邪說混世間拄杖一條直阿呵呵
且道笑箇甚麼笑他偷心人不得祖師訣驀擲拄杖
下座

示衆舉雲門云盡十方世界乾坤大地天下老和尚
以拄杖畫一畫云百雜碎師云雲門和尚只解放不
解收山僧今日拄杖子在手亦道盡十方世界云云
以杖卓一下云總在遮裏雪竇云遮老漢是卽是要
且無有出身之路如今拄杖在雪竇手裏復橫按云
東西南北甚處得來師云雪竇老人但知收不知放

撰述

卷之五

三

山僧則不然而今拄杖子在手卓一下云要東便東
要西便西要南便南要北便北到這裏還有全放全
收者麼喝一喝云豈容淺見衲僧會惟許通方作者
知

誕曰示衆師拈拄杖云老漢今年五十九諸人要我
揚家醜自從一脚踏地來不落人前與人後記得東
村陳媽媽却道無生生已就喝一喝卓拄杖云且道
拄杖子幾時生耶道得亦三十拄杖道不得亦三十
拄杖何故不見道賞罰要分明以拄杖畫一畫云且
置是事仰勞大眾起居萬福

示衆師拈拄杖云今朝乃是十月半戶債糧租要打
算十方雲水一無憂本分應須急早辦閻羅天子甚
分明出入公私平等判若還這裏有虧缺世世管教
填不滿咄不涉陰陽迥然一句合作麼生道良久云
本來無一物何處惹塵埃雖然如是今時有等不識
好惡便謂是偏見也他時喫鐵棒有日在莫言不道
幕卓拄杖云羚羊挂角無踪跡更有羚羊在上層
結制示衆僧問十方聚會共學無爲千指駢臻願聞
法要如何是和尚爲人句師云舉目皆是進云恁麼
則普天匝地從人薦滯義承言空自迷師云也許闇

撰述

和漢類書錄卷五

十一

黎啓請進云昔石屋云福源今日結制不得不爲諸人議定第一從朝至暮舉足動步不許踏着常住地第二十二時中不許諸人鼻孔裏出氣此間結制又作麼生師云汝爲我判斷了也僧禮拜師乃云磬山不蓄一文錢要與諸方共結緣終日祇餐無米飯定教打徹祖師關且道如何是祖師關劄適纔二三僧問話各各有箇落處諸人還知麼若知則門門有路若未知直饒當堂顯露猶落第二門頭驀劄知歸未是本分一着擬之則差強之則隔近之則遠向之則背且道不向不背不近不遠不强不隔不擬不差一

句又作麼生道所以聲前一句千聖不傳學者勞形如猿捉影這裏透得何須立期立限畫地爲牢遮裏未透且高挂鉢囊向七尺單前豎起脊梁坐斷衆流一念不生前後際斷直至威音那畔更那畔慢慢甦醒轉來攬長河爲酥酪變大地作黃金亦不爲分外事要須到遮田地始得若未到遮田地將古人言句妄生穿鑿道遮是甚麼句那是甚麼句饒你穿鑿到彌勒下生也只是個恁麼不見巖頭老人云若有一法繫綴人土亦難消況信心檀越脂膏耶諸人旣信向老僧特入深山扣已所參切須仔細古人云塵勞

迥脫事非常緊把繩頭做一場不是一翻寒徹骨怎
得梅花撲鼻香擲下拂子云珍重
黃介子薦考請小叅師云靈源湛若覺體自如迥脫
根塵高超物表迷之者永劫輪迴悟之者當時閒寂
澄江居士黃介子爲先考彙所元公九月二十八日
捐館至今六七饑不思食睡不安枕晝夜忘疲哀痛
無已澁友作書特託棲禪入山人天衆前燒香設供
乞山僧舉揚般若薦拔先靈若論此事向居士未舉
念處山僧未啓口時大解脫了也其或遲疑不妨起
模畫樣以拂子打圓相○召大眾云看遮裏會得圓

明了知無欠無餘不見道身從無相中受生猶如幻
出諸形象幻人心識本來無罪福皆空無所住既無
所住亦無所去旣無所去寧有來耶無去無來無住
故湛然常寂心境一如不被三世之所拘如是且道
彙所居士卽今安身立命在甚麼處識得他安身立
命便識得自己安身立命處識得自己安身立命便
識得諸佛諸祖安身立命處識得諸佛諸祖安身立
命便識得一切蠢動含靈安身立命處到此便知佛
與衆生平等煩惱與菩提平等生死與涅槃平等西
方與東土平等近亦得遠亦得動亦得靜亦得生亦

撰述

卷五

五

得死亦得來亦得去亦得得無所得無去無來無生
無滅無動無靜無遠無近恁麼則卽今追薦一句作
麼生道驂拍香几云彈指頓超華藏界剎那擊碎涅槃
城下座

示衆師云大衆都下埠老僧獨看庫雖無一物中也
須要保護露柱與燈籠笑他閒底苦苦苦苦口說甚
分明心裏至妄鹵堆堆守箇閒驢年成佛祖衆中有一
個孟八郎漢出來道大小磬出動靜裏見人放你三十
十棒且道是賞伊是罰伊驂擲下拄杖

冬至示衆僧問暑往寒來卽不問冬至陽生事若何

師云形與未質進云正當恁麼時如何師云脚下看
取又僧問萬法歸一萬法則不問如何是一師拈拄杖云
你還識這箇麼云不識師云誰道不識進云未
審一歸何處師卓拄杖一下僧擬議師便打乃復卓
杖云陽消則陰至陰極則陽生陰陽未判時試問誰
作主今見書雲日物物轉機爾惟有這些兒無動無
靜旨遮裏若委悉得生陰也在遮裏生陽也在遮裏
生天也在遮裏生地也在遮裏生人也在遮裏生物
也在遮裏上則有君下則有臣尊則有父卑則有子
內則有理外則有事到遮裏理無事外之理事無理

撰述

尹隱和尚語錄卷五

外之事事理圓融權實並用恁麼卽今應時及節一句作麼生道擲拄杖云識得一陽纔動處森羅萬象掌中看

檀越請小參師云妙性圓明離諸名相本來無有世界衆生因妄有生因生有滅生滅名妄滅妄名真真旣不立其妄本空不意釋迦老子到遮箇田地而今現前大眾若僧若俗若男若女若老若少若高若下還能離諸名相得達妙性圓明否只因各守其名各執其相故不得見本來面目山僧今日與你諸人通箇消息高着眼看以拂子打圓相云遮裏薦得也無

僧也無俗也無男也無女也無老也無少也無高也無下轉愚癡爲般若易短壽爲長年恁麼時山還是山水還是水僧還是僧俗還是俗男還是男女還是女老還是老少還是少高還是高下還是下不得動着一絲毫動着則與你三十拄杖委悉麼不見道具足凡夫法凡夫不知具足聖人法聖人不會聖人若會卽同凡夫凡夫若知卽是聖人左右顧視云還知麼聖賢俱是凡夫做祇恐凡夫心不堅驀擲拂子示衆師云四十年來端爲禪半肩風月只隨緣尋常簡點無欺處纔向烟波擲釣竿以拄杖作釣勢云不

80 1 2 3 4 5 6 7 8 9 90 1 2 3 4 5 6 7 8 9 100

撰述

元和和尚語錄卷五

惜性命者上來吞餌僧問信施營齋法王陞座財法
二施兼周未審無事衲僧憑何報德師橫呈拄杖進
云與麼一粒一莖布雲水鉢中咸成菩提種草或語
或默與寶華座下胥爲大道標模師云禮拜着進云
古人道大家相聚喫莖蘿喚作一莖蘿入地獄如箭
又道喫粥了也洗鉢盂去雖總殘羹剩飯試問是別
是同師云你還待第二杓惡水麼進云不明先聖門
中事逐隊饗嘗實可危師云放你三十棒僧禮拜師
乃云道本無方因方故迷心本無住因住故執執之
則觸途成滯迷之則背覺合塵念念攀緣矻矻造業
故經云一切衆生皆由不知常住真心性淨明體用
諸妄想此想不真故有輪轉若能一念迴光返照直
下見得廣大心體無有邊涯際畔則不被生滅妄緣
之所流轉也於是一念清淨一念清淨故則一身清
淨一身清淨故則一世界清淨一世界清淨故則無
量無邊世界清淨諸人還到遮田地麼若未到遮田
地切不可以無明爲佛性將煩惱作菩提日用現行
更須仔細不見當時龐居士云難難難十擔油麻樹
上攤龐婆出來道易易易百草頭上祖師意靈照女
又道也不難也不易餓來喫飯困來睡據山僧見處

支那

元和和尚語錄卷五

六

此三老有一人行到說不到有一人說到行不到有一人行到說亦到若人簡點得出許你一生叅學事畢正與麼時一句又作麼生道當陽直截能開悟萬別千差總一般

示衆師云今朝臘月一玉峰打供給試問兩堂僧報德作麼說有性燥者出來對衆道看僧問同門出入玷辱宗風別路資生難設作者今日玉峰法叔臨筵且禹門得力句如何舉似師豎起拂子進云三級浪高龍卧穩九天雲淨鶴飛遙師云武陵溪水向西流進云恁麼則大衆咸忻也師云閣黎道箇未後句看進云不是久叅泊合打失鼻孔便禮拜師云缺却半邊也乃云祖師巴鼻迥迥撩天獅子爪牙獰獰踞地得之者羣魔喪膽用之者百獸腦裂且道誰是其人不見我臨濟大師道有時一喝如金剛王寶劍有時一喝如踞地獅子有時一喝如探竿影草有時一喝不作一喝用驕喝一喝云且道遮一喝是金剛王寶劍耶是踞地獅子耶是探竿影草耶是一喝不作一喝用耶若道是金剛王寶劍如何是踞地獅子若道是踞地獅子如何是探竿影草若道是探竿影草如何是一喝不作一喝用遮裏識得堪作濟下兒孫遮

撰述

天慶和尚詩集卷五

裏未識得切莫胡喝亂喝直饒你喝得虛空落地猶未在且將我遮一喝入於四喝之中不見有一喝之相亦將四喝入我一喝之內不見有四喝之名到遮裏你還分得那一句是賓那一句是主不見谷隱老人云一喝分賓主照用一時行會得箇中意日午打三更你還知麼不是祖師親嫡印直饒動地野干鳴復舉龍牙道雲居師兄得第二句我得第一句師云大小龍牙得便宜處失便宜山僧則不然我玉峰師弟得第一句我得第二句且道與古人是同是別諸人會得許你具一隻眼若無山僧自道去也蓦擲拂

予云南山起雲北山下雨

贊八日示衆師拈拄杖云握毘盧印撥向上機赤手全提通身擔荷且道誰是其人還有知恩報恩者出衆相見僧問釋迦老子今日成道乃云一切衆生皆具如來智慧德相但以妄想執着而不證得如何是妄想師云立人立我進云如何是智慧德相師云忘我忘人進云恁麼則無明實性卽佛性幻化空身卽法身釋迦老子又云而不證得不證箇甚麼師云不是德相麼僧禮拜云若非今日親承示泊乎話作兩橛師云一面底道將一句來看進云也是贊月裏蓮

撰述

天國音譜錄卷

三

花師以拄杖畫一畫云更有問話者麼乃云旣釋迦
 今日打失鼻孔諸人還知他落處麼若也知得他落
 處便好向今事門頭接物利生如或未知且向七尺
 單前研窮至理適纔僧問世尊今日成道歎云奇哉
 一切衆生皆具如來智慧德相但以妄想執着而不
 證得妄想老僧道破了也殊不知世尊百劫千生已
 曾證得今日是開權顯實化利羣迷道箇立人立我
 忘我忘人恁麼也不得不恁麼也不得不見石霜云
 休去歇去一念萬年去寒灰枯木去古廟香爐去一
 條白練去冷湫湫地去雲峰又道不休不歇去業識
 淚淚去七顛八倒去十字街頭鬧浩浩地坐卧去三
 家村裏盈衢塞路荆棘裏遊戲去刀山劍樹劈腹剜
 心鑊湯爐炭皮穿骨爛去如此舉唱大似三歲孩兒
 輓繡毬你看二大老各資一路山僧則不然今日將
 三條篾纜緊繫縛却擲在無底坑裏也不許休去歇
 去也不許不休去不歇去動着則三十棒有箇旁不
 甘者出來道磬山老漢有甚長處喝一喝云丈夫自
 有冲天志不向古人行處行

示衆師豎起拳召大衆云捏聚也由遮箇舒手云放
 開也由遮箇若遮裏識得根源管保歸家穩坐還有

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

司馬文正公集卷五

遍相證據者麼良久云如無山僧爲你們打葛藤去也風雨蕭騷塞汝耳根落葉交加塞汝眼根香臭聚雜塞汝鼻根冷熱甘甜塞汝舌根衣綿溫冷塞汝身根顛倒妄想塞汝意根古人恁麼道山僧則不然風雨蕭騷開汝耳根落葉交加開汝眼根香臭聚雜開汝鼻根冷熱甘甜開汝舌根衣綿溫冷開汝身根顛倒妄想開汝意根遮裏若透得通身受用了無障礙其或未然真是平地骨堆更聽取一偈根塵識得原初體縛脫何曾兩樣來遮裏不隨聲色轉無勞動步出三災參

檀越請示衆師云霜風夜夜吹人老此事誰能端的來不是一番親證得如何脫得暑寒推還有不涉陰陽地者出衆道看良久云如無山僧再與你們打葛藤去也諸佛與一切衆生惟是一心更無別法此心非大非小非長非短無垢無淨不生不滅猶如虛空不可測度超過一切限量名言蹤跡對治當體便是動念卽乖既乖此心便有十法界之分何謂十法界諸佛菩薩緣覺聲聞此四聖之法界也天人阿修羅餓鬼畜生地獄此六凡之法界也諸佛法界者從四無量心萬德莊嚴之所成也菩薩法界者識得當體

卽空修六度萬行之所成也緣覺法界者以十二因緣爲本行之所成也聲聞法界者轉四諦法離苦集滅道之所成也天道法界者精修十善之所感也人道法界者嚴持五戒之所感也阿修羅法界者鬪爭堅固瞋恚之所報也餓鬼法界者慳貪鄙惒之所報也畜生法界者癡心橫想之所報也地獄法界者學習六爻之所報也這裏一念迴光直下見得本來便能超凡入聖透出法界之量諸人旣入深山各須努力究取一回以悟無生不見龐居士將家財悉沉湘江道有男不婚有女不嫁大家團圓頭共說無生話

一日又謂靈照女曰明明百草頭明明祖師意汝作麼生會照曰這老漢頭白齒黃猶作這個見解士云汝又作麼生照云明明白草頭明明祖師意師驀豎起拂子云山僧今日亦有一問這是百草頭這是祖師意若道是祖師意如何是百草頭若道是百草頭如何是祖師意諸人會得對衆通箇消息如若不會却被山僧拂子穿却鼻孔了也擲下拂子云你作麼生打脫去參

除夕示衆師拈拄杖云巖石積經霜迸裂庭梅疊壓雪凋殘人生百歲終何用此道誰能着眼看莫有箇

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

天台本末詩錄卷三

念茲在茲者出來道看僧問年窮臘盡事如何師指爐云一炷清香遍十方僧禮拜師乃云適來這僧問箇年窮臘盡且道如何是遷卽不遷之義今年除歲也恁麼舊年除歲也恁麼明年除歲也恁麼直饒你除到眼光落地四大分張也只是恁麼終無了期將何以敵生死老僧四十年來參之究之研之窮之猶是恁麼大眾又作麼生此事要實悟實證實行實踐始得到這裏拄杖子跨跳出來道今夜是什麼時節說這些牽牽蔓蔓話不見道有物先天地無形本寂寥能爲萬象主不逐四時凋暮喝一喝云也是牽蔓說話且直截一句如何道大衆各各歸堂喫茶去和聲擲下拄杖

旦日示衆師云好箇新正日雨打千山濕人人有生緣這裏無間歇傾湫倒嶽鎮常靜一念萬年終不回左右顧視召大衆云伏惟珍重

示衆師拈拄杖云白日以消千嶂雪清風吹散一天雲道人活計隨時用信手拈來不是塵有知音者出來遙相酬唱僧問雪覆千山則不問孤峰不白事如何師云直上看進云雲開碧岫千林曉日照晴沙萬壑明師便喝進云恁麼則瓦解冰消去也師云爲什

撰述

卷一百一十五

三

麼如此進云太虛同一色親見普賢王便禮拜師云
且去乃云昨夜三更時分文殊普賢二大士口喃喃
地道泐湯法化及至天明都走向無生國裏剛剝
得一條榔栗拄杖橫拈倒用都合其宜一觸觸着帝
釋鼻孔東海鯉魚打一棒雨似傾盆或云遮是雲門
扇子不是德山拄杖若道是雲門扇子又是德山拄
杖若道是德山拄杖又是雲門扇子卽今在山僧手
裏蓦卓一下云諸人還定奪得出麼若定奪得出也
有權也有實也有照也有用殺活縱奪總在遮裏且
得力一句又如何道復卓一下云懸崖路絕承渠力

斷橋溝缺賴伊扶

檀越請示衆師云大道寥寥像季年不拘朝市與林
間但能一念廻光照報德酬恩總現前顧左右云且
道誰是知恩者到菩提場斷煩惱路開智慧門坐無
生國未爲好手何故日用無回互當機有卷舒蓦空
起拄杖云大眾急着眼看卓一下云天得之以覆育
地得之以生成君王得之恩被萬物羣臣得之報國
祐民且道衲僧家得之又如何施設林茲蓦掀倒香
案云截斷天下人舌頭便出堂師擲下拄杖擎兩手
作修羅勢振威一喝便下座兩旁顧視一衆失色師

(撰述)

卷之三

三

復轉身召云大衆便歸方丈玹隨後禮拜云適來觸怒和尚師云好與三十拄杖隨聲拈棒玹逆上掌云卽今便打說甚好與師亦打玹約住拄杖師注視玹卽聳拄杖云須還遮老漢始得師擲下拄杖大衆作禮

衆請小參僧問如何是不通涓滴底句師云漫天漫地乃云當臺顯露誘引初機覲面提持猶爲晚進箇中無向背此際絕詣訛不可以智知不可以識識葛豎起拂子云恁麼恁麼會得豎窮三際放下拂子云不恁麼不恁麼會得橫徧十方復豎起拂子云恁麼

不恁麼會得輝騰日月放下拂子云不恁麼恁麼會得超越古今若向坦坦平平處入須是屼峝峝處全彰若向屼峝峝處入須是坦坦平平處放下若不如斯饒你喝似雷轟棒如雨點掀翻四大海趯倒五須彌未是衲僧本分事且道如何是衲僧本分事一念頓超塵劫外千峰齊立下風吹

薦亡請小參師以拂子打圓相云靈光獨耀照破罪性之本空智鑑常明見徹因果之報實因果報實故須懺累劫之愆尤罪性本空故以證無生之實際迨遙於三界之中放曠於六塵之外不見有一法可生

不見有一法可滅生滅既滅寂滅現前正恁麼時儲
茂士向何處安身立命驀豎起拂子云莫不在拂子
頭上得大解脫且道轉身一句又作麼生打一拂子
云一拂打開生死路翻身步步踏金蓮
解制示衆師云木馬正嘶雲影去泥牛長卧石臺邊
箇中消息誰能解切忌當機着意猜還有性燥者麼
僧問倏忽九旬已度平等室内安居掩息如灰卽不
間隨流得妙事如何師云脚脚踏着去進云與麼則
箇中一物無歸家罷問途頭頭明歷歷坐斷古毘盧
師云逢人切莫錯舉問古帆未挂時如何師云坦坦
平平地進云挂後如何師云波浪滔天乃云春色融
融百草頭邊明祖意春風蕩蕩一瓢瀟灑樂天涯不
用寒巖兀兀何消定水澄澄直得緊峭草鞋橫擔柳
栗千峰萬峰絕蹤絕跡塵塵獨露物物全彰隨緣放
曠應用無虧所以道未有常行而不住未有常住而
不行欲益無所益欲爲無所爲聚則如雲歸谷散則
似月臨溪不聚不散一句合作麼生道良久云閒來
獨坐當軒下漫看花枝自短長

本師幻有大和尚忌日掃塔師云這老漢當時不提
一箇八字脚直是教人無可奈何不肖今日拈一辨

撰述

卷五

三

報德酬恩亦非雪怨伸屈顧視左右云寃有
主債有主不是時人無本據便拈香

圓坐當下心裏奇妙對自歌昇

日轉笑不外不真子母合用忘自貪身八云聞大

小舍人無武益公私無戎兵與相吸雲龍谷端

風雨共雲霞根頭數木青青音節不無未嘗留吾面

果子華萬物齊齊學根學步誰無此處人誰無此處

頭髮無根頭髮無根頭髮無根頭髮無根頭髮無根

蠶百草而長此所居風雲起一念誰知深水裏

半世事之半事之半研神文吏見出天氏云春

天隱和尚語錄卷六

嗣法門人通問等編

拈古

舉僧問百丈如何是奇特事丈云獨坐大雄峰僧禮
拜丈便打師拈云百丈和尚可謂寰中獨據振闡外
之威權此僧亦一員上將到此只得拍拍聽令爭奈
棒頭有眼明如日實是真金不渾沙豈非奇特之事
須向奇特人前拈出卽今還有人撥着麼快來與我
木上座相見如無老僧今日失利

舉僧問藥山平田淺草塵鹿成羣如何射得塵中塵

山云看箭僧便放身倒山云侍者拖出這死漢僧便起走山云弄泥團漢有什麼數師拈云好一枝箭爭奈其人未敢承當若是箇丈夫漢開襟俯受不勞藥山放出後箭而今還有勝敵驚羣者麼且道如何射得塵中塵喝一喝

舉僧問投子如何是一大事因緣子云尹司空與老僧開堂碧巖云人道投子實頭不妨忒煞淳朴山僧卽不然有問如何是一大事因緣只對他道弄潮須是弄潮人師拈云二老宿舉揚一大事因緣本無優劣作麼生是投子實頭處設若有人問磬山如何是

一大事因緣但向他道朝看雲片片暮聽水潺潺舉舍利弗一日入城見月上女出城舍利弗問云什麼處去女云如舍利弗恁麼去舍利弗云我方入城汝方出城何言如舍利弗恁麼去女云諸佛弟子當住何處弗云諸佛弟子當住大涅槃女云諸佛弟子既住大涅槃我如舍利弗恁麼去師拈云當時舍利弗只知善放而不善收若月上女可謂腳跟穩當行無所行去無所去大解脫中了無拘住雖然要且未知向上事在若是山僧作舍利弗待伊道如舍利弗恁麼去則不必落草一把拉入城來看他作何伎倆

一 挑述

待伊擬口撒手便行云不同我恁麼去饒伊有超佛
越祖之弘爲也不奈你何這箇公案古今判斷不少
具眼者請試辨看舉高亭叅德山隔江問訊山以手招之高亭忽然開
悟迺橫趨而去後開法嗣德山徑山云高亭橫趨而
去許伊是箇伶俐衲僧若要法嗣德山則未可何故
猶與德山隔江在師拈云徑山老漢是謂一擡一捺
且賊過後張弓今時人在知識門下三二十年旣不
隔江合作麼生路遙知馬力日久見人心

舉僧問趙州寂寂無依時如何州云老僧在你背後

師拈云這僧挨到者箇田地意圖就手安閒却被趙
州腦後一槌七穿八穴而今還見趙州在背後麼或
云趙州則不見但見磬山在面前向他道你那裏得
見磬山來將拄杖一時趕出舉無業國師云若一毫頭凡聖情念未盡不免入驢
胎馬腹裏去白雲端和尚云設使一毫頭凡聖情念
淨盡亦未免入驢胎馬腹裏去師拈云未盡淨盡磬
山今日一時拈却諸人還見一毫頭麼喝一喝云切
忌鑽龜打瓦

舉南院上堂云赤肉團上壁立千仞時有僧問赤肉

撰述

卷之六

團上壁立千仞豈不是和尚道院云是僧便掀倒禪牀院云你看這瞎漢亂做僧擬議院便打趨出師拈云這僧欲成九仞之山未進一簣之土當時待南院和尚道你看這瞎漢亂做不若一不做二不休總然南院打殺也不得趨你出院卽今還有人於壁立千仞處與這僧出氣麼

舉外道問佛不問有言不問無言世尊良久外道讚云世尊大慈大悲開我迷雲令我得入外道去後阿難問佛外道有何所證而言得入世尊云如世良馬見鞭影而行雪竇云邪正不分過由鞭影大慧云邪

正兩分正由鞭影師拈云二大老恰在鞭影裏批判且道離却鞭影一句作麼生道良久云三十年後此語大行

舉洞山頌云貪嗔癡太無知賴我今朝識得伊行便打坐便撻分付心王子細推無量劫來不解脫問汝三人知不知師拈云古人與麼道磬山則不然貪嗔癡自無爲迷悟分明不在伊行無住坐無拘憑在心王不用推無量劫來真解脫何有三人知不知舉雲門上堂拈拄杖云凡夫實謂之有二乘析謂之無緣覺謂之幻有菩薩當體卽空衲僧家見拄杖喚

作拄杖行但行坐但坐不得動著師拈云雲門老人法令雖嚴可謂官不容針私通車馬何故行但行坐但坐不得動著雖然惺惺底人動著亦得不動著亦得動著不動著亦得未惺惺底人動著不得不動著不得動著不動著總不得且道利害在什麼處

舉僧問趙州十二時中如何用心州云你被十二時使老僧使得十二時師拈云這僧當時問處直頭趙老答處依實但不能令人言下薦取今日有人問磬山十二時如何用心卽向他道你在什麼處見十二時來莫被十二時使卽今還有人十二時用心麼試

將來看

舉舍利弗問天女汝何不轉却女身女云我從十二年來求女人相了不可得當何所轉卽時天女以神通力變舍利弗如天女乃自化身如舍利弗而問云何不轉却女身舍利弗云我今不知何轉而變爲女身師拈云舍利弗當時好心不得好報諸方盡道被天女轉却女身據山僧見處當時天女莫道轉得舍利弗一人直饒你轉得大地男子爲女身總是自家女身脫不得在何故旣云十二年來求女人相了不可得你那裏得見舍利弗轉女身來明眼者試看

舉天衣和尚示衆云百骸俱潰散一物鎮長靈百骸
潰散皆歸土一物長靈甚處安南堂禪師云一物長
靈甚處安長空雲散碧天寬蓮宮佛刹花無數眨起
眉毛仔細看師拈云眨起眉毛仔細看天堂地獄任
君安百骸未散當先取莫待臨時撒手難

舉肇法師道天地同根萬物一體師拈云座主那裏
得這消息灼然天何言哉萬象懸懸地何言哉森羅
鮮鮮陰陽言哉時之傳傳空谷言哉應之綿綿咄祇
如衲僧分上合作麼生一鉢千家飯水邊林下閒
舉南泉歸宗麻谷三人同去見忠國師至中途南泉

就地畫一圓相云道得則去歸宗坐圓相裏麻谷作
女人拜泉云恁麼則不去也師拈云三大老雖同條
生不同條死各各有箇出身之路然三人中有一人
堪爲師法若人擇得出許你具叅學眼

舉僧問汾陽如何是祖師西來意陽云青絹扇子足
風涼師拈云汾陽老人如黃葉止兒啼不妨太易設
或有人問磬山如何是祖師西來意向他道水流千
派月山鎖一溪雲

舉僧問香林如何是衲僧衣下事林云臘月火燒山
師拈云臘月燒山衲衣下事有何干千峰雪覆冷坐

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

撰述

天龍寺言金集

舉臨濟與普化一日同往施主齋濟問毛吞巨海芥納須彌爲復是神通妙用爲復是法爾如然化踢倒飯牀濟云太龕生化云這裏是甚麼所在說龕說細濟休去來日又同施主家齋濟復問今日供養何似昨日化又踢倒飯牀濟云太龕生化云瞎漢佛法說甚龕細濟吐舌師拈云看這且老宿大機大用一者具擒龍之手一者得陷虎之機可謂作家相見且道誰是陷虎誰是擒龍擇法眼試辨取

舉昔有秀才問長沙某曾看千佛名經百千諸佛但

見其名未審居何國土沙召秀才才應諾沙云黃鸝樓崔顥題後秀才還曾題否云不曾題沙云得閒題取一篇好師拈云長沙雖得殺人刀活人劍曲垂善巧不無龍頭蛇尾使人不能當下擔荷若是山僧則不然待伊應諾時高聲云居何國土免致葛藤

舉三祖信心銘極小同大忘絕境界師拈云拄杖子吞却十方虛空剎那間流出無邊香水海還是忘絕境界中來非忘絕境界中來若道是忘絕境界中來合喫衲僧痛棒非忘絕境界中來且叅祖師信心銘三十年纔好與拄杖子相見復舉極大同小不見邊

撰述

方正金石錄卷六

表師拈云須彌山走出蟻幟眼裏須臾之頃見徹三千大千界且道見邊表中來不見邊表中來若不見邊表中來猶未可與衲僧拄杖子相見若見邊表中來如何合得祖師信心銘去參

舉臨濟道一喝分賓主照用一時行碧巖和尚喝一喝云且道是賓是主是照是用還委悉麼千峰勢到獄邊止萬派聲歸海上消師亦喝一喝拈云且道非賓非主非照非用還委悉麼獅子窟中無異獸象王羣內絕狐蹤

舉懶瓊和尚云吾有一言絕慮忘緣巧說不得只要心傳師拈云吾有一言不待忘緣拈來便得作麼心傳衆中有人出來道既不必心傳諸祖心心相印所爲何事但云低聲低聲達磨大師來也

舉傅大士云終日焚香擇火不知身是道場師拈云終日焚香擇火不知焚香擇火者是誰

舉僧問長沙作麼生轉得山河大地歸自己去沙云作麼生轉得自己歸山河大地去圓悟和尚云得人一牛還人一馬師拈云饒你轉得山河大地歸自己去却是埋沒已靈亦饒你轉得自己歸山河大地去猶是背覺合塵總不恁麼且道轉是不轉是試定當

撰述

方正言金錄

看

舉僧問石門年窮歲盡時如何門云東村王老夜燒
錢僧復問開先暹和尚年窮歲盡時如何暹云依舊
孟春猶寒師云有人問磬山年窮歲盡時如何對他
道一爐紅焰煖騰騰

舉修山主頌云欲識解脫道諸法不相到眼耳絕見
聞聲色閻浩浩佛果和尚云聲不到耳色不到眼聲
色交參萬法成現且道還踏着解脫道也無不省這
箇意修行徒辛苦師云欲識解脫道諸法本不閼眼
耳絕見聞聲色玄浩浩復拈云喚什麼作聲色

舉僧問石翬生死到來如何廻避翬云這的無生死
師拈云識得要廻避生死者許你透生死復顧視大
衆咄云也沒交涉佛果和尚云還識這的麼俊鶴捎
空去懵鳥泊籬頭

舉僧問雲門佛法如水中月否門云清波無透路僧
云和尚從何得問云再問復何來僧云便恁麼去時
如何門云重疊關山路師拈云這僧不無萬古碧潭
再三撈撈之意爭奈雲門有翻天覆地之能可惜未
後進伊不得且道這一步又如何進始得

舉臨濟兩堂首座齊下喝僧問臨濟還有賓主也無

撰述

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

濟云賓主歷然師拈云以鏡照鏡面面皆正蓮花出
水香流遠蘭谷風飄氣宇清

舉翠巖示衆云一夏與兄弟東語西話看翠巖眉毛
在磨師拈云翠巖面皮三寸厚雖然也是屈已從人
不無大人去就且道卽今還見磬山眉毛麼亦是三
寸厚

舉僧問五祖一大藏教是箇切腳未審切那箇脚祖
云八囉娘師拈云電光裏穿鍼

舉雲門示衆云你若實未得箇入頭處三世諸佛在
你脚跟下一大藏教在你舌頭上且向葛藤處會取
人是同是別

舉前寶壽問後寶壽父母未生前那箇是本來面目
後寶壽罔措一日在市見二人相爭有一人相勸云
你得恁麼無面目壽遂大悟師拈云得恁麼無面目
噫錦繡叢中撞著白雲堆裏活埋洞見本地風光面
目依然長在

舉南泉示衆云王老師自小養得一頭水牯欲擬向
溪東牧不免食他國王水草欲擬向溪西牧亦不免

撰述

食他國王水草不如隨分納些些總不見得師拈云
把住則坐卧空園放行則雲山萬里混塵俗而不流
超潔白而無住縱橫自在左右逢源何須道擬向東
擬向西而不自由也且喜隨分納些些雖然切忌動
著動著則三十棒

舉鴻山普請次值板鳴有一僧拍手呵呵大笑歸去
鴻山云奇哉此是觀音入理之門至晚問其僧適來
你見箇什麼道理僧云朝來未喫飯聞板聲歡喜鴻
山云賺殺人師拈云百姓日用而不知故君子之道
鮮矣鏡清道當時鴻山有此一僧鼓山道當時鴻山
無此一僧且道是賞伊是罰伊

舉趙州到百丈丈問從什麼處來州云南泉來丈云
南泉有何言句示人州云有時道未得之人亦須峭
然去丈叱之州容愕然丈云大好峭然州便作舞而
出師拈云古之所謂趙州者生而知之却到百丈門
下猶爲鈍置再撥而轉何不當時待伊叱時呵呵大
笑拂袖而出總然百丈有後語也來不及然今已得
未得且置如何是峭然一句試道看

舉明招在婺州智者寺爲第一座尋常不受淨水主
事云不識觸淨淨水也不肯受招下禪牀拈起淨餅

撰述

方廣和尚金鑑

二

云這箇是觸是淨主無語招迺撲破淨瓶師拈云明招徹底爲人無絲毫委曲爭奈主者未是其人不無賓主傷和耳若磬山作明招待主無語時輕輕對云莫道不識觸淨好畱茲淨瓶以付識者

舉紫璘供奉擬註思益經忠國師乃問大德凡註經須會佛意始得供奉云若不會佛意爭解註得經國師令侍者盛一碗水著七粒米在水中碗面安一隻筋乃問云這箇是什麼義供奉無語國師云老僧意尚不會豈佛意不能註得經師云我本師幻有老人云莫謂紫璘供奉不識此意即如佛來也不解國

師所設是何意也山僧一見便會得元來總是一箇非難意師拈云可惜供奉未能會國師之意某甲則不然待國師置水碗在面前一腳踢翻國師總有無窮妙意也阻他註經不得我幻有老人若在便道汝雖會國師意未會老僧意在也知某甲罪過

舉賓頭盧尊者因阿育王問承聞尊者親見佛來是否尊者以手策起眉良久云會麼王云不會者云阿耨達池龍王請佛齋吾是時亦預其數師拈云當時育王見尊者策起眉毛何不道箇真見佛來速禮三拜免使尊者後來一絡索語却道不會然尊者見育

撰述

卷之三

三

王道不會何不當時高聲云大王不會最親切如是則育王直下見得亦未可知不枉見如不見逢如不逢者也雖然老僧恁麼說話也是抱椿搖櫓呵呵休舉肅宗帝一日問忠國師云師在曹溪得何法忠云陛下還見空中一片雲麼帝云見忠云釘釘著懸空著師拈云且喜忠國師說法不涉離微不落理路以虛空爲口吞吐白雲可謂一時光曜乾坤然肅宗帝若得轉身吐氣看他這一片雲又如何收卷且道轉身一句作麼生道良久云一堂風冷淡千古意分明舉曹山行脚時問烏石觀禪師如何是毘盧法身主觀云不道曹舉似洞山山云好箇話頭只欠進語何不更去問爲甚不道曹迺去進語觀云若言我不道卽啞却我口若言我道卽禿却我舌曹歸舉似洞山山深宵之師拈云這三大老雖挾同毘盧頂上行其間不無優劣只如洞山雖識機宜恰是箇扶小兒入市教他語話曹山雖遵命師承且隨人脚跟烏石老漢也是方便不少且道山僧恁麼說話是肯伊不肯伊若道肯伊如何恁麼說若道不肯伊又如何恁麼說會得許你具一隻眼

舉僧問仰山法身還解說法也無山云我說不得別

撰述

有一人說得僧云說得底人在甚處山乃推出枕子
 爲山聞乃云寂子用劍刃上事師拈云仰山也是藏
 身露影要瞞這僧卽得要瞞磬山未在若是山僧作
 這僧待云別有一人說得攢住云莫不是這老賊麼
 縱然手快教伊推枕不出雖然不知爲山老漢道箇
 劍刃上事又作麼生商量咄休將死鼠爲真玉莫把
 山鷄當鳳凰

舉洞山一日問雲居甚處去來居云踏山來洞云阿
 那箇山可住居云阿那箇山不可住洞云與麼則國
 內總被閻黎占却也居云不然洞云與麼則子得箇
 入路居云無路洞云若無路爭得與老僧相見居云
 若有路卽與和尚隔生也洞云此子已後千人萬人
 把不住師拈云今時人要覓箇山子住且看雲居踏
 山樣子若不如斯出門便是草漫漫雖然不是洞山
 老漢也勘驗他不出可謂作家相見如珠走盤盤走
 珠縱橫無礙豈比迷頭認影敲冰索火緣木求魚者
 同日語哉今日有人踏山來我且問你有路來無路
 來若有路來要且不合雲居老人謂無路來又不合
 洞山和尚若有路無路磬山道箇俱隔如是作麼生
 合得古人去試道看

撰述

法門寺正言金華

十四

舉玄沙一日見三人新到遂自去打普請鼓三下却歸方丈新到具威儀了亦去打普請鼓三下却入僧堂久住來白沙云新到輕欺和尚沙云打鐘集衆勘過大衆集新到不赴沙令侍者去喚新到纔到法堂却向侍者背上拍一下云和尚喚你侍者至沙處新到便歸堂久住乃問和尚何不勘新到沙云我與你勘了也師拈云大衆且看這新到具參方眼也未若道具參方眼玄沙却云我與你勘了也若謂不具參方眼其公案見在何故當時若作玄沙待久住云和尚何不勘新到劈頭一拄杖免使後人疑着可不道

有意氣時爭意氣不風流處也風流

舉文殊菩薩問維摩居士我等各自說已云何是仁者所說不二法門師拈云這箇公案自毘耶離城以至震旦叢林商量不少無非都在聲色語默上摸索轉見沒交涉若要會得須向衆菩薩未啓口處識得根源方知衆菩薩說底即是老維摩不說底老維摩不說底即是衆菩薩說底纔知維摩那時其聲如雷豈不見道龍象跋踏非驢所堪卽今還識得維摩老人根源庶良久云天共白雲曉水和明月流舉舍利弗問須菩提夢中說六波羅蜜與覺時是同

撰述

是別須菩提云此義幽深吾不能說會中有箇彌勒
 大士可往而問之舍利弗遂問彌勒彌勒云誰爲彌
 勒誰是彌勒者師拈云而今人嘗做得這箇夢來也
 未假做得這箇夢來始醒得舍利弗來由若未做得
 這箇夢來且究取須菩提深遠之旨若會得須菩提
 深遠之旨須識得彌勒佛云誰爲彌勒誰是彌勒者
 到這裏總將箇龜毛索子一束束定置於無夢覺之
 地或有云那一箇又安置在什麼處喝一喝云依稀
 似曲纔堪聽却被風吹別調中

舉古者道這一片田地分付來多時也我立地待你
 構去法眼云這一片田地分付來多時也我坐待你
 構去師拈云且看古人諄諄恁麼爲人既云這一片
 田地分付來多時也又道構去作麼磬山今日雪上
 加霜驀將拄杖卓下云莫不是這一片麼噫也是振
 苗兒

舉玄沙到蒲田縣衆以百戲迎之次日沙遂問小塘
 長老昨日許多喧鬧向甚麼處去塘提起袈裟角示
 之沙云料掉沒交涉師拈云山僧卽不然或有人問
 昨日許多喧鬧向什麼處去只對他道今日一出尤
 勝昨日他若道料掉沒交涉云我也知你是箇瞎漢

〔撰述〕

〔元祐重刊卷之六〕

還委麼竹密不妨流水過山高豈礙白雲飛
舉遵布衲在藥山浴佛次山云你浴得這箇還浴得
那箇麼遵云把那箇來師拈云藥山傍通一線俯誘
初機遵衲雖是當仁不讓一拶便了當時若作藥山
待伊道把那箇來劈手奪杓子過來還他一杓惡水
可不徹頭徹尾何故定水湛然滿浴此無垢人

舉僧問雲門如何是清淨法身門云六不收道林和
尚拈云只道得一半若問道林只對他道一不立乃
頌云一不立六不收突然那更有蹤由無限青山留
不住落花流水太悠悠師拈云還知二大老鼻孔落
在什麼處然雖不負來機盡方道將來祇道得法身
邊事且道如何是法身向上事豎起拂子云龍得水
時添意氣虎逢山勢長威獰

舉僧問歸宗如何是玄旨云無人能會僧云向者如
何云有向卽乖僧云不向者如何云誰求玄旨又云
去無汝用心處僧云豈無方便門令學人得入云觀
音妙智力能救世間苦僧云如何是觀音妙智力宗
敲鼎蓋三下云還聞麼僧云聞云我何不聞僧無語
宗以棒趕下師拈云可惜這老漢架艤幢泛大海隨
其順逆不用翻蓬打漿宗師家須到恁麼田地始得

撰述

不然總落左右邊句爭祛得學人疑滯雖然如此當時這僧是箇靈利底見伊道誰求玄旨何不云和尚好箇方便門速禮三拜若作歸宗待僧道豈無方便門云汝將前話作實法會耶待僧更進語便以棒趁下免致周遮磬山今日還有人識得這玄旨麼噁啼得血流無用處不如緘口過殘春

舉三聖和尚叅德山纔展坐具山云住不用展炊單遮裏無殘羹餽飯與汝云賴遇無設有向甚麼處著山便打聖接住推倒向牀上山大笑聖哭蒼天便下叅堂堂中首座號踢天泰問行脚高士須得本道公

公驗作麼生是本道公驗聖云道什麼座再問聖打一坐具云遮漆桶前後觸忤多少賢良座擬人事聖便過第二座人事師拈云德山老漢一條白棒按過天下衲僧撞着三聖猶較些子何不當時待伊道無著處云也是餽茶剩飯雖然強將手下無弱兵爭奈三聖氣吞宇宙力振江湖孰奈伊何首座當時亦待伊道觸忤多少賢良何不道某甲罪過且不失方情今時人要叅方須具這眼目始得若不如是都是依

草附木

舉鴻山問仰山甚處來仰云田中來鴻云田中有多

支那

撰述

少人仰挿鍬义手而立。鴻云今日南山大有人刈茅
仰拽鍬而去。雪竇云諸方咸謂挿鍬話奇特。大似隨
邪逐惡。據雪竇見處。仰山被鴻山一問。直得草繩自
縛去死。十分妙喜。云仁者見之謂之仁。智者見之謂
之智。百姓日用而不知。故君子之道鮮矣。師拈云。妙
喜老人出言。吐氣忒殺風流。儒雅雪竇龜鑑宗乘。恰
似壓良爲賤。今日磬山合作麼生商量。不得顛預放
過。還知麼幾度黑風吹大海。未曾聞道釣舟傾。

舉龍濟問僧甚處來。云翠巖來。曰翠巖有何言句。示
徒云。嘗道出門逢彌勒。入門見釋迦。曰與麼道。又爭

得僧便問和尚。又如何。曰出門逢阿誰。入門見什麼。
僧於言下有省。師拈云。這僧雖然有省。只會得龍濟
底。未會得翠巖底。若會得翠巖底。許你全具眼。

舉石頭和尚問僧。從甚麼處來。僧云江西來。云見馬
大師麼。云見頭。乃指一橛柴云。馬師何似。這箇僧無
對。却回舉似馬大師。馬云汝見橛柴大小。云沒量大
馬云汝甚有力。僧云何也。馬云汝從南嶽負一橛柴
來。豈不是有力。師拈云。深見古人千里同風。在一箇
鼻孔裏出氣。何曾分疆立界。魔魅人家男女。這僧當時是箇漢子。待石頭道。何似這箇輕輕對道。不別卽

撰述

禮謝可不減師之德乎適回馬大師處舉似及道汝見概柴大小何不道某甲見非兩端恁麼則不負師恩亦不孤他人指點然雖如是二大老如按牛頭吃草相似可惜慈悲太切

舉洞山示衆云兄弟初秋夏末東去西去直須向萬里無寸草處去始得又云只如萬里無寸草處作麼生去後有僧舉似石霜霜云出門便是草磬山則不然兄弟夏末秋初南行北往直須腳踏實地去始得若不如斯未出門時亦是草漫漫不見妙喜道師子一滴乳迸散十斛驢乳

舉僧問石霜咫尺之間爲甚不覩師顏霜云我道徧界不曾藏僧後問雪峰徧界不曾藏意旨如何峰云甚麼處不是石霜僧回舉似石霜霜云這老漢著甚麼死急師拈云古人一期方便祇欲求人不覺拖泥帶水當時磬山若作石霜待伊道咫尺之間不覩師顏何不攔頭一拄杖教伊性快去豈容流到雪峰枝上生枝蔓上引蔓還曾悟也未不見玄沙云山頭老漢蹉過也

舉僧訪翠巖值不在遂看主事主云叅見和尚也未云未主指狗子云上人要見和尚但禮拜這狗子僧

撰述

卷之二

三

無語後翠巖歸聞得乃云作麼生免得與麼無語雲門云欲觀其師先觀弟子師拈云這僧非惟不會見翠巖要且不曾相見主事可惜淺水無魚徒勞下釣當時若作這僧待院主指拜這狗子遂高聲云若不識和尚泊合錯禮這狗子拂袖便行雖然如是今日或有主事者出來道和尚莫教壞人家男女只對他道這狗子響

舉僧問趙州如何是趙州州云東門西門南門北門師拈云這僧覲面相呈致箇問頭也甚奇怪若道未會爭敢入虎窟裏捋虎鬚若道會爭肯恁麼休去當門者麼試道看

時趙州有定乾坤手段爛破四天下眼目還他本分鉗鎌教他入又入不得出又出不得可謂雙奪雙收到此還有人轉得身吐得氣入得趙州門出得趙州門者麼試道看

舉真歇了禪師問僧云你死後燒作灰撒却了向甚麼處去僧便喝真云好一喝祇是不得翻欸僧又喝真云公案未圓更喝始得僧無語師云可惜當時這僧無末後句若有末後句也不奈伊何真老雖是洞上兒孫宛有濟翁門下作略我當時若作此僧何不道喝則不無恐和尚作喝會待伊打云這死漢便喝

撰述

三

拂袖而出

舉雪峰示衆云南山有一條鱉鼻蛇汝等諸人切須好看長慶云今日堂中大有人喪身失命僧舉似玄沙沙云須是稜兄始得雖然如此我卽不恁麼僧云和尚作麼生玄沙云用南山作麼雲門以拄杖攔向雪峰面前作怕勢師拈云雪峰老漢恁麼示衆拈一句語如握太阿劍擊塗毒鼓聞之擬之咸皆喪身失命誰敢當鋒到這裏還容得清識卜度麼恁麼也不得不恁麼也不得恁麼不恁麼總不得當時若非二三大老卓犖超羣廓徹圓明知見唱和宗乘敷揚

要旨則孤負雪老這一條活蛇弄殺在象骨巖前誰能知他落處所以道打鼓弄琵琶相逢兩作家電光影裏穿針未爲快手若是這般事須是這般人始得若非這般人如何構得這般事山僧今日且不將拄杖粧龍作蛇亦無玄沙語句鈎引但只恁麼與衆同食同衣同坐同卧不出尋常大眾還見麼格外不須重審問尋常一句作麼生

舉龐居士辭藥山山命十禪客相送至門首居士指空中雪云好雪片片不落別處時有全禪客云落在什麼處士打一掌全云居士也不得草草士云汝恁

撰述

麼稱禪客閻老子未放你在全云居士作麼生士又打一掌云眼見如盲口說如啞雪竇別云初問處但握雪團便打師拈云老龐叅證於馬祖石頭二大老已得心空及第到處遇人不妨作家相見著著自有出身之路所以全禪客不奈伊何當時若作全禪客待伊道好雪片片不落別處遂接住云不落別處且置你道在什麼處來待依擬口還他一掌教這老漢別有生涯難行此令雖然且道山僧這一掌與老龐打同也異也與雪竇打同也異也試說看

舉羅山和尚問石霜起滅不停時如何霜云直須寒灰枯木去一念萬年去函蓋相應去全清絕點去山不契却往巖頭處如前問巖頭喝云是誰起滅山於此有省師拈云今時人論道石霜說道理所以令羅山不悟巖頭不說道理令他悟去恁麼商量如掉棒打月料掉沒交涉殊不知當時這僧若不得石霜老漢雪上加霜逼拶將來那能巖頭處領略得去縱然會得巖頭老人底若未曾體究得石霜和尚底爭解脫得起滅不停時也所以道靈光獨耀迥脫根塵體露真常不拘文字心性無染本自圓成但離妄緣卽如如佛若不如是敢保你認賊爲子在今時人還會

撰述

三

三

得二大老異口同音麼良久云一片白雲橫谷口幾多歸鳥盡迷巢

舉雲巖掃地次道吾云太區區生巖云須知有不區區者吾云恁麼則有第二月也巖豎起掃帚云這是第幾月吾便休師拈云可見古人日用事無別纔被人拶着便迺覲面相呈了無餘事雲巖道吾雖同出其門到這裏也不肯放過要且得人一牛還人一馬雖然如斯若作道吾待雲巖豎起掃帚云這是第幾月但云恰似管教他這把掃帚無地放在

舉天平和尚行脚時參西院嘗云莫道會佛法覓箇

舉話人也無一日西院遙見召曰從漪平舉頭院云錯平行三兩步院又云錯平近前院云適來這兩錯是西院錯是上座錯平云從漪錯院云錯平休去師拈云衲僧行脚切不得草草纔有些些省處便開大口須要自己揣摩十二時中還會穩當不心境一如今脚踏實地不如紅爐飛片雪不可見天平行脚時自滿道會禪傍若無人驀然撞着西院一拶下兩箇錯字便把一肚子禪道一點也用不着當時若作天平待西院道適來這兩錯是西院錯上座錯何不高聲還他道箇錯管教西院自然不作故眼相看直到

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

後來住院謂衆云我當初行脚時被業風吹到思明長老處連下兩錯更留我過夏待共我商量我不道恁麼時錯我發足向南方去時早知道錯了也看他恁麼示衆正所謂行年五十而知四十九年之非雖然如是也是貧兒思舊債磬山今日亦下箇錯且道這個錯與西院同耶別耶與天平同耶別耶諸人試辨看有麼有麼復云錯

舉雲門大師云光不透脫有兩般病一切處不明面前有物是一透得一切法空隱隱地有箇物相似亦是光不透脫又法身亦有兩般病得到法身爲法執

不忘已見猶存墮在法身邊是一直饒透得放過卽不可子細簡點將來有什麼氣息亦是病師拈云病多諳藥性得瘥始傳方雲門大師曾在乾峰和尚處患過這病來已透脫得所以要醫大地衆生箇箇透脫去雖則慈悲之故也是好肉剜瘡不見淨名云彼自無瘡勿傷之也雖然如是諸人還曾打過這病也未若未打過不妨雲門葛藤裏透脫去所以道過得荆棘林纔是好手脚直饒透過這病露出這光爲甚麼雲門道仔細簡點將來亦是病到這田地須知向上一著在若不知向上一著有甚麼氣息亦是病

撰述

卷之三

三

珍重

舉魯祖凡見僧來便面壁南泉聞云我尋常向他道
空劫已前承當佛未出世時會取尚不得一箇半箇
他恁麼驢年去師拈云古今多少尊宿未免向魯祖
釣竿頭上插嘴起模畫樣或抑或揚或提或唱何曾
摸索得魯祖腳跟麼殊不知魯祖恁麼接入亦是曲
垂方便若有箇性燥底向他未面壁時一覬覦破還
他這老漢不坐在舍元殿裏相見卽今還有人知他
落處麼少林辟觀無多肯不是神光也大難

舉風穴在郢州衙內上堂云祖師心印狀似鐵牛之

機去卽印住住卽印破只如不去不住印卽是不印
卽是時有盧陂長老出問云某甲有鐵牛之機請師
不搭印穴云慣釣鯨鯢澄巨浸却嗟蛙跡蹶泥沙陂
佇思穴喝云長老何不進語陂擬議穴打一拂子云
還記得話頭麼試舉看陂擬開口穴又打一拂子云
主云佛法與王法一般穴云見箇甚麼牧云當斷不
斷反招其亂穴便下座師拈云決戰者不顧其首盧
陂也是一員猛將敢向前來奪令施行爭奈風穴久
戰作家陣勢排定到此無門可入無路可出逼拶得
來前不構村後不迭店若非披三玄戈甲七事隨身

撰述

孰能如是作略乎雖然恁麼當時不得牧主怎生收
煞可謂見機而作今或有人出來云牧主道當斷不
斷反招其亂在風穴也在盧陂也山僧劈脊便棒也
怪子不得

舉雪竇禪師在莊數僧立次雪問維摩云步步是道
場這裏何似山裏衆下語皆不契自代云只恐和尚
不肯師拈云磬山當時若在會直教這老漢舉足無
立地處道什麼肯不肯這裏是什麼所在喚

舉佛眼禪師一日垂示從東過西顧衆云是是復從
西過東顧衆云是不是遂歸位立云適來猶記得

師拈云這老漢看他自起自倒可借當時衆中無人
作禮三拜

舉佛眼禪師遊蓮華峰至半山亭有僧後到云和尚
還在這裏眼云我到了來也僧無語自代云也是齋
後鐘師拈云磬山當時若作這僧敢教佛眼老漢立
地待他道我到了來也但云和尚且住待某亦到來

撰述

五印不居金

卷六

天隱和尚語錄卷六

天隱和尚語錄卷七

嗣法門人通問等編

舉古

舉王大王向雪峰會裏請晏監寺住鼓山峰與孚上
座送出門回至法堂乃云一隻聖箭直射九重城裏
去也孚云和尚是伊未在峰云渠是徹底人孚云若
不信待某去勘過遂至中路把住云師兄向什麼處
去鼓山云九重城裏去孚云忽遇三軍圍困時如何
山云他家自有通霄路孚云恁麼則離宮失殿去也
山云何處不稱尊孚便回謂雪峰云好一隻聖箭折

撰述

卷之三

却也遂舉前話峰云渠有語在乎云這老凍曠畢竟
有鄉情在師云得底人始終一揆忌底人古今皆嫌
不二之道便見參差至理之詞灼然難忍嗟夫人不
知心可欺師不可欺事可瞞理不可瞞也知子莫若
父在雪老有之矣雖然如是一得一失當時雪峰折
却拄杖子而今磬山這裏有此等漢直打出山門免
教他日遭人簡點豈不見妙喜和尚云衆中商量道
什麼處是聖箭折處云鼓山不合答話是聖箭折處
鼓山不合說道理是聖箭折處恁麼剖判非惟不識
鼓山亦乃不識乎老殊不知乎上座正是一枚賊漢

于鼓山面前納一場敗闕憾懼而歸却來雪峰拔本
大似屋裏販揚州若非雪老有大人相這賊向甚處
容身當時可惜放過却成不了公案只今莫有爲古
人出氣底麼試出來我要問你什麼處是聖箭折處
又不見楚石禪師云鼓山聖箭子射入九重城甚生
氣槩孚上座等閒授著略露鋒鋩回至法堂却云箭
折誣人之罪以罪加之師云也是一得一失磬山恁
麼說亦是一得一失還有跳得得出者麼咄

舉恕中和尚頌芭蕉示衆咄哉亂走阿師何曾放得
柱杖捉來拗作兩橛請續末後句師呵呵笑云有無

撰述

方正和諭錄卷之二

二

還他一半

舉五祖和尚云世有一物不屬凡不屬聖不屬邪不屬正萬事臨時自然號令恕中禪師云世有一物在凡屬凡在聖屬聖在邪屬邪在正屬正萬事紛紜何須號令師云這兩箇老古錐各自分疆立界一箇混俗和光隨流得妙一箇孑峭孤危坐斷情塵磬山將來一束拋向大洋東海免得後人分分聖說邪說正旁有不甘者出來道和尚恁麼道是分耶不分耶說耶不說耶拈拄杖直打出去呵呵笑云也是爲他閑事長無明喝一喝

舉馬祖令僧馳書上徑山山接得開見一圓相於中下一點却封回國師聞云欽師猶被馬師惑雪竇云徑山被惑且置若將呈似國師作箇什麼伎倆免被惑去有老宿云當時坐却便休又有道但與畫破若與麼只是不識羞敢謂天下老師各具金剛眼睛廣作神通變化還免得麼雪竇見處也要諸人共知只這馬師當時畫出早自惑了也浮山云欽師被馬師惑且置國師惑却多少人雪竇云只這馬師當時畫出早自惑了也穿却天下人鼻孔恕中云馬師自惑國師惑人置而弗論當時徑山下者一點非惟點破

撰述

天門木闌金鑑

三

馬師觸體抑且爲千古龜鑑師云這一隊老宿雖則
善揣虛空之骨髓擎雲霧之根盤猶未跳得馬大師
這箇圈縵子出在莫道這一隊老宿卽上至諸佛下
及含靈咸跳不出這圈縵在除非是無面目漢方跳
得這箇圈縵出有麼有麼一任跨跳如無諸人謾謾
且向歷代祖師鉗鎚下挨將去始到無疑無惑之地
不然盡是弄虛頭切莫草草

舉張無盡見兜率悅禪師旣有契証因詢晦堂家風
於悅欲往就見悅云此老只一拳頭耳師喝一喝乃
潛奉書于晦堂云無盡居士世智辨聰非老和尚一

奉垂示安能使其知有宗門向上事耶師又喝一喝
未幾無盡遊黃龍訪晦堂于西園先以偈書默菴壁
曰亂雲堆裏數峰高絕學高人此遁逃無奈俗官知
住處前驅一喝散猿猱徐叩宗門事果示以拳頭話
無盡默計不出悅所料師云著賊了也由是易之有
偈云久向黃龍山裏龍到來只見住山翁須知背觸
拳頭外更有靈犀一點通師云此二老當世英才一
時宗匠何故隨人脚跟轉失却一隻眼也且道兜率
是何心行流落叢林至今成話欄耶蒼天蒼天
舉德山到鴻山挾襍子上法堂從東過西從西過東

撰述

顧視云無無便出至門首却云不得草草重具威儀
 再入相見纔跨方丈便提起坐具云和尚爲山擬取
 拂子德山便喝拂袖而出爲山至晚間首座今日新
 到在不首座云當時背却法堂著草鞋去了也爲山
 山云此子已後向孤峰絕頂盤結草庵呵佛罵祖去
 在師云二老恰如龍象蹴踏誠爲作家相見雖然磬
 山若作爲山待他提起坐具叫和尚便與他一喝管
 教德山通身是口也難下還你草鞋脫在爲山了也
 何必去後讚揚賊過張弓今日莫有新到者麼許伊
 穿却草鞋相見老僧要拔本有麼有麼

舉傅大士云法地若動一切不安楚石禪師云壽山
 從朝至暮不知走了幾遭若是法地誰敢動著一莖
 草復云我不曾恁麼道傅大士坐了起不得師云楚
 石恁麼起了坐不得有一起得坐得底請出來相見
 看喝一喝云雖具一雙窮相手未嘗下揖等閒人
 舉佛日和尚因僧送拄杖云莫從天台得麼僧云不
 從天台得云莫從南嶽得麼僧云不從南嶽得云從
 什麼處得僧度拄杖日豎起云是體是用僧云拈也
 從體起用放也從用歸體日云你與麼來只得其體
 不得其用僧云和尚與麼舉只得其用不得其體日

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

卓一下靠拄杖云體用一時收師云佛日老人可謂家富小兒驕驀拈拄杖卓一卓云且道老僧底什麼處來便歸方丈

舉雲門一日拈拄杖云凡夫實謂之有二乘析謂之無緣覺謂之幻有菩薩當體卽空衲僧見拄杖但喚作拄杖行但行坐但坐不得動着師卓拄杖云不得起有見不住凡夫不得起無見不住二乘不得起幻有見不住緣覺不得起當體卽空見不住菩薩雲門老人到這裏也只說得箇行但行坐但坐不得動著可謂特地一場愁卽今還有人知雲門老人落處麼

不見妙喜和尚道我不似雲門將虛空剗窟窿驀拈拄杖子云不屬有不屬無不屬幻有不屬空復卓一下云凡夫二乘緣覺菩薩盡向這裏各隨根性悉得受用惟於衲僧分上爲害爲冤要行不得行要坐不得坐進一步則被拄杖子迷却路頭退一步則被拄杖子穿却鼻孔只今莫有不甘底麼試出來與拄杖相見如無來年更有新條在惱亂春風卒未休

舉睦州問僧近離甚處僧云河北州云河北有趙州和尚上座曾到彼庶僧云某甲近離彼中州云趙州有何言句示徒僧遂舉喫茶話州乃云慚愧却問僧

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

卷一百一十五

六

趙州意作麼生僧云只是一期方便州云苦哉趙州
被你將一杓屎潑了也便打後來雪竇云這僧克由
時耐將一杓屎潑他二員古佛妙喜云雪竇只知
杓屎潑了趙睦二州殊不知這僧未上趙州將一杓
屎潑了却到睦州又遭一杓只是不知氣息若知氣
息什麼處有二員古佛師云雪竇扶弱不扶強妙喜
扶強不扶弱且道磬山合作麼生商量也不可放過
有人纔出衆老僧卽云珍重

舉裴相國入寺見壁間畫像問院主云壁間是什麼
處槩召裴休公應諾槩云在什麼處公於言下領旨
師云裴相國忘人忘我言下超脫黃槩老直心快口
獨露真機是這一等人可說這等話千古規模令人
欣羨雖然如是妙喜云似地擎山不知山之孤峻如
石含玉不知玉之無瑕黃槩只有殺人刀且無活人
劍且道他那裏是他無活人劍處諸人還箇點得出
麼若道他有埋沒妙喜若道他無屈殺黃槩然二邊
不涉還我裴相國悟底意旨來良久云溪邊石女暗

撰述

高麗和南言錄卷之二

七

嗟吁海底泥牛亂奔走

舉百靈一日路次見龐居士乃問昔日南嶽得力句
曾舉向人麼士云曾舉來靈云舉向甚人士以手自
指云龐公靈云真是妙德空生也贊之不及士却問
阿師得力句是誰得知靈便戴笠子而去士云善爲
道路靈更不回首師云二大老不無得力句子各有各
有本雖然如是若到磬山未放你在何故切忌認奴
作郎卽今還有人道得得力句麼速道速道

舉興化一日謂克賓維那云汝不久爲唱導之師賓
云不入這保社化云會了不入不會不入賓云總不

與麼化便打云克賓維那法戰不勝罰錢五貫設飯
一堂至明日化自白槌云克賓維那法戰不勝不得
喫飯卽便趨出雲居云大冶精全應無變色其奈興
化令行大嚴不是克賓維那也大難承當若是如今
泛泛之徒翻轉面皮多少時也師云灼然灼然妙喜
云雲居拗曲作直要作臨濟烜赫兒孫直須翻轉面
皮始得師云妙喜老人不是誘人犯法諸人還知他
落處麼路逢劍客須呈劍不是詩人莫獻詩

舉石頭示衆云言語動用沒交涉藥山云非言語動
用亦沒交涉頭云我這裏鍼劄不入山云我這裏如

撰述

石上栽花師云二大老如彈沒絃琴唱出無生曲可謂父子投機師資道合雖然不顧傍觀者見其家醜承虛接響漢切忌動著動著則三十棒

舉世尊初生下周行七步目顧四方一手指天一手指地云天上天下唯吾獨尊師咄云這老漢百刦千生磨煉得來你看他一時發露英氣逼人若到衲僧分上也只是箇石火電光底影子說甚天上天下惟我獨尊耶雖然如是將此身心奉塵刹是則名爲報佛恩

舉雪峰住菴有一僧到峰見以手托菴門放身出云

是什麼僧亦云是什麼峰低頭歸菴其僧後至巖頭頭云雪老有何言句僧舉前話頭云雪峰道什麼僧云雪峰無語頭云噫我悔不當初向伊道有箇未後句我若向伊道已後天下人不奈雪峰何僧至夏末舉此話請益頭云汝何不早問僧云不敢造次頭云我與雪峰同條生不與雪峰同條死要識未後句只是師云雪峰自是一員老將這僧何堪抵敵泛泛流到巖頭依稀又納敗闕至今還曾識得未後句只良久云會中若有仙陀客好向人前唱鶼鷀舉蹶山示衆云病僧咸通年已前會得法身邊事咸

1 2 3 4 5 6 7 8 9 100

通年已後會得法身向上事雲門出問云如何是法身邊事山云枯椿門云如何是法身向上事山云非枯椿門云還許學人說道理也無山云許門云只是明法身向上事山云是門云未審法身該一切也無山云法身周遍爭得不該門指淨瓶云還有法身也無山云莫向淨瓶邊覓門諾諾師云跋山恰似引敵入寨雲門單鎗直入不顧危亡可謂猛虎口中奪肉者也跋山若無後語幾乎勞而無功老僧今日不問諸人法身向上事法身邊道將一句來看喫泊合

停囚長智

舉天如和尚示衆云雲門道東海鯉魚打一棒雨似盆傾意作麼生各請下一轉語看良久自代云東海鯉魚打一棒雨似盆傾師云天如老人恰似抱椿搖櫓且道天隱又如何泥牛流出血木馬走如烟舉覺範云山中何所有嶺上多白雲只可自怡悅不堪持贈君師呵呵大笑云覺範老人謾人則得謾磬山未在且道白雲是誰家私物徃來者皆可著眼以拂子點雲云看看

舉天如和尚示衆云生死事大諸禪德須是將生死

接述

天門和尚全集

兩字貼在額頭上始得有僧出云某甲不然只將不
生不死四字貼在額頭上如召衆云這漢元來怕生
死如何會得老漢禪遂拈拄杖趕出師云怕生死底
獅子林門下不容不怕生死底龍池山門下不容且
道古人底是老僧底是諸禪德也須簡點不可放過
倘有云怕生死卽不怕生死底不怕生死卽怕生死
底師喝云這罷洞漢出去

舉趙州問僧甚處來云雪峰來州云雪峰有何言句
示徒僧云雪峰道盡大地是沙門一隻眼汝諸人向
什麼處局州云汝若過嶺我附箇鋏子去明覺云這

僧旣不從雪峰來可惜趙州鋏子師云這僧明明道
雪峰來明覺何故云不從雪峰來有箇什麼道理試
說看

舉臨濟示衆云有一無位真人常在汝等面門出入
未證據者看看時有僧問如何是無位真人濟下禪
床擒住云道道僧擬議濟托開云無位真人是甚麼
乾屎橛師云臨濟善用太阿殺活臨時不妨奇特這
僧擬向虎口裏奪食幾乎喪身失命喜得雪峰和尚
聞云臨濟大似白拈賊救得一半不見明覺老人云
夫善竊者鬼神莫測旣被雪峰覲破臨濟不是好手

撰述

卷之三

三

復召衆云雪竇今日換你諸人眼了也你若不信各歸寮舍自摸索看參

舉千巖示衆云昨日軍陣兩交鋒未見輸贏難分勝負老僧只管看忍俊不禁未免借鄧隱峰錫杖子出搖一搖祇要諸人息戰息戰後如何熏風自南來殿閣生微涼師云大小千巖老祖也是無風起浪平地生波自起自倒了也雖然如是也爲諸人切須照管自家鼻孔莫把眉毛廝結何故成佛作祖易空人忘我難

舉天奇示衆云世間無法出世間無法若透得者個

無法歸家穩坐師云天奇老祖只要盡法不顧無民不肖兒孫却不恁麼何故世間無法出世間無法若透得這箇無法正好行脚

舉千巖示衆無明這裏只使無明且無佛法與你一棒大煞慈悲與你一喝十分直截你若作棒喝商量便千里萬里也師云不作棒喝商量亦千里萬里也且道作無明是佛法是喝一喝

舉盤山云似地擎山不知山之孤峻如石含玉不知玉之無瑕若能如是是真出家大慧云若能如是捏目生花無明云若能如是不名出家師云若能如是

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

撰述

卷之二

三

便好擎杖

舉祖師云父母非我親誰是最親者諸佛非我道誰是
最道者雲蓋本云父母非我親無有不親者諸佛
非我道無有不道者千巖云祖師得第一句雲蓋得
第二句有人添得一句許伊鼎足三分無明則不然
父母非我親我亦非親者諸佛非我道道亦非我者
祖師也不得第一句雲蓋也不得第二句無明碎身
如微塵何止頭破作七分師云祖師雲蓋輸我千巖
老人一籌何故拚得自己贏得他人嘆者一句還有
人添得麼試道看

舉僧問破竈墮如何是大修行人竈云擔枷抱鎖僧
云如何是大作業人竈云坐禪入定復云會麼僧云
不會竈云你問我善善不從惡你問我惡惡不從善
後有僧舉似安國師安云此子會盡諸法無生佛果
云窮善自何生究惡惡從何起若能明見這箇田
地便是諸法無生有問崇寧如何是大修行人對他
道坐禪入定如何是大作業人對他道擔枷抱鎖且
道是同是別師云若道他同一箇問善答惡一箇問
善答善若道他別從來佛法無兩般有人問磬山如
何是大修行人向他道不執一法如何是大作業人

撰述

卷之三

三

三

向他道不了一法且道與古人相去幾何

舉臨濟與普化一日同往施主齋濟問毛吞巨海芥納須彌爲復是神通妙用爲復是法爾如然化踢倒飯牀濟云太龕生化云這裏是甚麼所在說龕說細濟休去來日又同一施主齋濟復問今日供養何似昨日化又踢倒飯牀濟云太龕生化云瞎漢佛法說甚龕細濟吐舌師云二大老得大機發大用如龍象跋踏非驢所堪今人未到古人田地也學弄牙爪不顧傍觀者哂所以佛果和尚云精金不百鍊爭見光輝至寶不酬價爭辨真假不是臨濟不能驗他普化

不是普化不能抗他臨濟所謂如水入水如金博金雖然如是放過則彼此作家簡點則二俱失利具法眼者試請辨看師云山僧不是倚勢欺人壓良爲賤也要諸禪德揀別邪正識取來源正已正人實非草草咄臨濟普化又來赴齋也不覺吐舌

舉仰山坐次大禪佛到翹一足云西天二十八祖亦如是唐土六祖亦如是和尚亦如是某甲亦如是仰下禪牀打四藤條佛果拈云師資會遇滾莽投鉞一期借路經過不免互相鈍置雪竇道藤條未到折因甚只打四下果云大似隨邪逐惡大禪佛後到霍山

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

自云集雲峰下四藤條天下大禪佛叅霍山云維那打鐘著禪便走果云這漢擔仰山一箇冬瓜印子向人前賣弄若不是霍山幾被糊塗雖然可惜令行一半當時不用喚維那好與擒住更打四藤條且聽這漢疑三十年師云卽今負冬瓜印子者亦不少且看大禪佛被圓悟老祖活捉埋在無底深坑了也還有人救得伊麼如無老僧救一救看將拄杖作釣勢良久云夜靜水寒魚不餌滿船空載月明歸

舉玄沙問僧近離甚處僧云瑞巖有何言句僧云長喚主人公自云諾諾惺惺著他日莫受人謾沙云一

等是弄精魂也甚奇怪復云何不且在彼中住僧云瑞巖遷化了也沙云如今還喚得應麼僧無語雪竇云蒼天蒼天師云本分修行輸他翠巖操守臨機勘辨堪羨玄老提持可惜這僧親見作家當面蹉過當時若作這僧待他道如今還喚得應麼云也知和尚大慈悲便禮拜免得後來簡點雖然且聽佛果和尚垂慈云萬丈寒潭徹底月在當心千尺巖松倚天風生幽谷直得凜凜孤標澄澄風彩及至月離碧天影落雲衢遂乃當面蹉過當時這僧若是箇漢待伊道卽今還喚得應麼當下便喝非惟把定玄沙要津亦

撰述

三

與瑞巖老子出氣師云今日還有與這僧出氣底麼
一片白雲橫谷口幾多歸鳥盡迷巢

舉天真上堂云道火被火燒說水被水溺會禪被禪
縛以手指左右云却被這僧勘破師云大小天眞老
人指東劃西

舉藥山久不陞座院主白云大眾久思和尚開示山
云打鐘著衆方集便下座院主云和尚旣許開示因
甚一言不說山云經有經師論有論師爭恠得老僧
師云藥山老漢經也講明論也說破但未嘗提著箇
禪字又謂善言者尋言所不能言也咄院主失却

一隻眼

舉世尊一日示隨色摩尼珠問五方天王此珠作何
色時五方天王互說異色世尊藏珠入袖却擡手云
此珠作何色時五方天王云佛手中無珠何處有色
世尊歎云汝何倒之甚吾將世珠示之便各強說有
青黃赤白吾將真珠示之便總不知時五方天王悉
皆悟道師云你看世尊全體作用不妨真是奇特仰
天王一一悟道千古之下令人樂聞今磬山不肖遠
孫也要效顰不識大眾還信得及也未暮伸出拳頭
云你道是什麼色或云是拳非珠老僧喚近前來你

撰述

天隱和尚語錄卷之二

十一

恁麼道天王不如且道是賞伊是罰伊

別古

舉陸亘大夫問南泉云弟子家中於一瓶內養一鵝
今來長大欲出此鵝且不得打瓶亦不得損鵝未審
和尚有何方便泉召云大夫大夫應諾泉云出也大
夫無語師別云大夫置箇問頭甚是奇特但不能疾
出凡籠當時磬山若作大夫速整威儀三拜可不快
哉

舉德山小參示衆云今夜不答話問話者三十棒時
有僧出禮拜山便打僧云某甲話也未問和尚因甚

打某甲山云汝是甚處人云新羅人山云未跨船舷
好與三十棒法眼云大小德山話作兩橛圓明云大
小德山龍頭蛇尾師別云德山老漢實有定乾坤手
段却被二尊宿錯下名言了也且道什麼處是話作
兩橛龍頭蛇尾直饒恁麼見得分明也好與三十棒
舉雪峰在國清拈起鉢盂問座主道得與你鉢盂主
云此是化佛邊事峰云你作座主奴也未得主云某
甲不會峰云你問我我與你道座主方禮拜峰便踏
倒後主舉似雲門云某得七年方見門云你得七年
方見云是師別云雲門雖則作略高古何得如此磬

撰述

山則不然待伊道七年方見攔頭一拄杖你見箇什麼來雖然如是要識磬山則易要識雲門則難舉僧問雪峰拈槌豎拂不當宗乘未審和尚如何峰豎起拂子僧乃抱頭出去峰不顧法眼代云大衆看此一員戰將師別云老僧則不然待他抱頭出去高聲叫云草賊大敗

舉鏡清訪先曹山山問甚麼處來清云昨日離明水山云甚麼時到明水清云和尚到時山云汝道我甚時到清云適來猶記得山云如是如是師別云曹山只管憐民不能盡法磬山則不然待伊道適來猶記

得劈脊便棒

舉有老宿畜一童子並不知軌則有一行脚僧到乃教童子禮儀晚間見老宿外歸遂去問訊老宿怪訝遂問云阿誰教你童云堂中上座老宿喚其僧來問上座傍家行脚是甚麼心行童子養來三二年了幸是可憐生上座教壞伊快束裝去黃昏雨淋淋地被趕出師別云某甲教壞童子某甲應當出院和尚教壞某甲和尚合作麼生雖然卽今還有恁麼行脚僧山僧與彼問訊

舉僧問螺峰如何是本來人峰云惆悵松蘿境界危

撰述

卷之二

師別云螺峰老人醉機甚是奇特能令這僧見得本來人也未設若有人問磬山如何是本來人但云我與汝道卽不本來也

舉僧問咸澤禪師不與萬法爲侶者是甚麼人澤云城中青史樓雲外高峰塔師別云今日有人問老僧則不恁麼道獨步孤峰月閒聽幽澗琴

舉太傅王延彬居士到招慶煎茶朗上座與明招把銚忽翻茶銚公問茶爐下是甚麼朗云捧爐神公云既是捧爐神爲甚麼翻却茶朗云事官千日失在一朝公拂袖便出師別云朗上座恁麼道可謂當面蹉救不得一半

舉僧叅睦州州問汝豈不是行脚僧云是州云禮佛向外邊打野樞師云也是賊過後張弓朗云上座作麼生師云更納什麼敗闕招云非人得其便師云也

是教外別傳底法教云眼裏耳裏鼻裏云祇此便是

否教云是甚麼僧便喝師別云山僧若作興教見伊
喝將來闇黎緩緩地喝卽不無還我眼耳鼻裏底來
看伊眼目定動震聲一喝可不先以定動後以智拔
而今有人問如何是教外別傳底法總不恁麼對他
道風送水聲來枕畔月移山影到牀前

舉棗樹和尚問僧發足甚處云閩中樹云俊哉云謝
師指示樹云屈哉僧作禮樹云我與麼道落在甚麼
處僧無語樹云彼自無瘡勿傷之也師別云棗樹老
人雖慈悲太切可惜勞而無功磬山則不然待伊云
閩中便道多少途程到這裏看伊有著落方可云俊
亦是勞而無功也屈哉

舉龍濟禪師上堂卷簾除却障閉戶生室礙祇這障
與礙古今無人會會得是障礙不會不自在師別云
這老漢無繩自縛會與不會一時拈却又作麼生良
久云延平劍已成龍去猶有刻舟求底人

舉鴻山坐次仰山入來鴻以兩手相交示之仰作女
人拜鴻云如是如是師別云鴻山憐兒不覺醜山僧

撰述

云林和尚詩集卷一

三

則不然待伊拜起來放下手時看他如何合殺
舉法華全禪師上堂鐘鳴鼓響鵠噪鴉鳴爲汝諸人
說般若講涅槃了也諸人還信得及麼若信得及觀
音菩薩向諸人面前作大神通若信不及却往他方
救苦利生去也師別云山僧則不然若信不及依舊
鐘聲鼓響鵠噪鴉鳴何故豈不聞法華是法住法位
世間相當住

舉廓侍者問德山從上諸聖向甚麼處去山云作麼
作麼廓云勅點飛龍馬跋鰲出頭來山便休去師別
云何不道俊哉來自浴出廓過茶與山山於背上拊
一下云昨日公案作麼生云這老漢今日方始警地
山又休去師別云瞎漢智過於師方堪傳授

舉瑞鹿禪師上堂鑑中形影惟憑鑑光顯現你等諸
人所作一切事惟憑箇甚麼顯現還知得麼若也知
得於叅學中千足萬足無事莫立師別云若也知得
正好着力喎

舉僧問曹山世間甚麼物最貴山云死貓頭最貴云
爲甚麼死貓頭最貴山云無人著價師別云旣無人
著價道甚麼貴賤

舉同安禪師僧問如何是和尚家風安云金雞抱子

撰述

天隱和尚語錄卷七

歸霄漢玉兔懷胎入翠微云忽遇客來將何祇待安
云金果朝來猿摘去黃花晚後鳳郵歸師別云或問
山僧如何是和尚家風只對他道雲耕雨種客來如
何祇待云粗茶淡飯且道與古人相去多少

舉石門蘊禪師在青林作園頭一日歸侍立次林云
子今日作甚麼來云種菜來林云徧界是佛身子向
甚麼處種云金鉏不動土靈苗在處生林欣然來日
入園喚蘊闍黎石應諾林云剝栽無影樹畱與後人
看石云若是無影樹豈受栽耶林云不受栽且止你
曾見他枝葉麼云不曾見林云旣不曾見爭知不受

栽云祇爲不曾見所以不受栽林云如是如是師別
云若見已受栽也

舉盤山云心月孤圓光吞萬象光非照境境亦非存
光境俱亡復是何物洞山云光境未亡復是何物師
別云光境現在復是何物

舉僧問投子一大藏教還有奇特事也無子云演出
大藏教又老宿云演入大藏教妙喜云演出演入則
不無二老若是奇特事三生六十劫也未夢見在師
別云妙喜恁麼道甚是知音作家作家且道奇特事
在教内在教外

撰述

五燈和尚錄卷之七

三

舉雲門問直歲今日作甚麼來歲云刈茅來門云刈得幾箇祖師歲云三百箇門云朝打三千暮打入百東家杓柄長西家杓柄短作麼生歲無語門拈拄杖便打徑山和尚云直歲無語自有三百箇祖師證明雲門令雖行要且棒頭無眼師別云幸是無眼若是有眼待直歲道三百箇便打何待後來一落索

舉道吾示衆云高不在絕頂富不在福嚴樂不在天堂苦不在地獄相識滿天下知心能幾人佛曰道高在絕頂富在福嚴樂在天堂苦在地獄誰知席帽下元是昔愁人師別云磬山則不然高則從他高富則

從他富樂則從他樂苦則從他苦數聲清磬是非外一箇閒人天地間

舉盤山和尚道似地擎山不知山之孤峻如石舍玉不知玉之無瑕若能如是是真出家有王云若能如是捏目空花師別云老僧卽不然若能如是雪裏梅花

舉天池隆禪師在金峰普請搬柴次峰問搬柴人過水不隆云有一人不過水云不過水還搬柴不隆云雖不搬柴也不得動著他師別云雖則搬柴也不得動著他

撰述

天閣和尚詩卷七

舉千巖和尚示衆云僧問趙州大地無塵掃箇甚麼
州云掃外來底若是無明祇向他道掃裏頭底大衆
趙州底是無明底是師別云既是一物也無說甚麼
内外直饒非內非外一齊掃却還有掃柄在

舉趙州上堂良久云大衆總來也未對云總來也州
云更待一人來卽說話僧云候無人來卽說似和尚
州云大難得人師別云古人恁麼垂慈方便不少老
僧不然汝等總在這裏箇箇是英靈衲子更待誰來
喝一喝

舉雲門因僧問如何是諸佛出身處門云東山水上
行又客問本師幻有老人如何是諸佛出身處云西
河火裏坐師別云有人問磬山如何是諸佛出身處
卽向他道雲起長空水歸大海

舉南泉送黃蘖出至門泉云如許大身材戴椰子大
笠子蘖云三千大千世界總在裏許泉云王老師聾
榮戴笠子便行師別云王老師當時可不屈已從人
磬山若作王老師只道恁麼闍黎却被笠子蓋覆了
也待他戴笠子行時又云恰是

舉佛眼禪師示衆云廣額屠兒手中屠刀如何放下
自代云不須放下師別云待你成佛後卽向你道又

云面前是甚麼自代云無物師別云青山綠水
 舉興化謂克賓維那云汝不久爲唱導之師賓云不
 入這保社化云汝會了不入不會不入賓云總不恁
 麻化便打云克賓維那法戰不勝罰錢五貫設饋飯
 一堂來日興化自白槌云克賓維那法戰不勝罰錢
 五貫設饋飯一堂仍須出院雲居舜和尚云大冶精
 金應無變色其奈興化令行太嚴不是克賓維那也
 大難承當總似而今泛泛之徒翻轉面皮多少時也
 妙喜老人云雲居恁麼道未免拘曲作直徑山卽不
 然要作臨濟坦赫兒孫直須翻轉面皮始得師別云
 菩山可不覓火和烟得擔泉帶月歸

三大老一人高高山頂行一人深深海底走磬山則
 不然有智主人二俱不受且道卽今還有人代得克
 賓維那一轉語麼若有不惟與興化出氣亦乃光耀
 菩山可不覓火和烟得擔泉帶月歸

舉罽賓國王仗劍問師子尊者云師得蘊空不尊者
 云已得蘊空王云脫生死不尊者云已脫生死王云
 可施我頭尊者云身非我有豈況於頭王遂斬之自
 乳丈餘王臂自落雪竇云作家君王天然猶在黃龍
 新和尚云孟八郎漢又恁麼去也師別云三人中有一
 人可以爲師雖然如是磬山則不然祇許罽賓國

撰述

天隱和尚語錄卷七

三

王得大用未得大體在

舉德山到鴻山挾襍子直上法堂從西過東從東過
西顧視云無無便出至門首却云也不得草草便具
威儀再入相見鴻山坐次德山提起坐具云和尚鴻
山擬取拂子德山便喝拂袖而出背却法堂著草鞋
便行鴻山至晚間首座適來新到在甚處首座云背
却法堂著草鞋去也鴻云此子已後向孤峰頂上盤
結草庵呵佛罵祖去在妙喜云二尊宿恁麼相見每
人失却一隻眼師別云妙喜老人恁麼道還具眼也
未若道具眼二尊宿那裏失却一隻眼處若道不具
眼他怎恁麼道這裏若緇素分明許你具一隻眼雖
然磬山恁麼道也失却一隻眼咄

天隱和尚語錄卷七

撰述

1 2 3 4 5 6 7 8 9 100 1 2 3 4 5 6 7 8 9

天隱和尚語錄卷八

三

天隱和尚語錄卷八

嗣法門人通問等編

徵古

舉臨濟兩堂首座齊下喝僧問還有賓主也無濟云
 賓主歷然天童拈云殺人刀活人劍在臨濟手裏雖
 然如是當時便與一喝直饒大逞神通也祇得同聲
 相應萬松道當時若問兩堂首座齊喝還有賓主也
 無咄云賓主歷然臨濟有語無喝天童有喝無語如
 今殺人刀活人劍在萬松手裏師徵云若是有語又
 落在臨濟手裏若是有喝又落在天童手裏若道亦

語亦喝也出不得臨濟天童手在若道非語非喝敢謂萬松無分且道那裏是殺人刀活人劍衆中還有擇得出者麼喝一喝

舉大耳三藏得他心通朝見肅宗皇帝帝命忠國師驗之藏見國師便禮拜側立於右國師云汝得他心通是不藏云不敢國師云汝道老僧在甚麼處藏云和尚一國之師何得在西川看競渡船國師再問汝道老僧卽今在甚麼處藏云和尚是一國之師何得在天津橋上看羨猢猻國師第三問老僧卽今在什麼處藏罔知國師叱云野狐精他心通在什麼處有

僧問趙州三藏三番爲甚不見國師州云在三藏鼻孔上又問玄沙旣在鼻孔上爲甚麼不見沙云祇爲太近後僧問海會端端云國師若在三藏鼻孔上有甚難見殊不知在三藏眼睛裏天童云三藏不見國師且置你道國師自知下落處麼師徵云這一隊老漢恰如盲人摸象總未知國師下落處在諸人還知國師下落處麼若知得國師下落處許你他心通舉雲門示衆云直得觸目無滯達得名身句身一切法空山河大地是名身亦不可得喚作三昧性海俱備猶是無風雨市之波直得亡知於覺覺卽佛性矣

換述

喚作無事人更須知有向上一竅在師徵云還知麼雲門大師語句一一與修多羅合也要諸人簡點直饒透得過須知有向上一竅且道如何是向上一竅參

舉石頭問長髭甚處來髭云嶺南來頭云大庾嶺頭一鋪功德畫了未髭云畫了祇欠點眼在頭云莫要點麼髭云便請頭垂一足師徵云長髭旣善畫大庾嶺頭一鋪功德而不善點眼者何也還知麼今時人畫亦未就而先自點眼不知瞎了多少人也衆中還有請點眼者麼僧云有師手搖云我也知你畫未就

在

舉僧辭大隨隨問甚麼處去僧云峨眉禮普賢去隨竪起拂子云文殊普賢祇在這裏僧畫一圓相拋向背後隨云侍者將一貼茶與這僧師徵云且道大隨是賞伊是罰伊衆中有人道得老僧付你拂子去舉三聖道逢人則不出出則便爲人興化則不然逢人則出出則不爲人師徵云二大老一者逢人則出一者逢人則不出且道逢什麼人諸人還識得麼舉黃檗云若擬著一法印早成也印著有卽四生文現印著空卽空界無想文現但不印一切物此印與

撰述

卷之三

虛空等師徵云不著有不著空印卽是不印卽是試道看又云喚甚麼作印

舉興化和尚示衆今日不用如何若何便請單刀直入興化爲你證據時旻德長老出禮拜起便喝化亦喝旻德又喝化亦喝旻德禮拜化云若是別人三十棒一棒也較不得何故爲你會一喝不作一喝用師徵云賓家也喝主家也喝且道那裏是他一喝不作一喝用或有人亦喝老僧道且謾且謾我也曉得你一喝不作一喝用且道是語與興化同也異也師復喝一喝

舉雪巖禪師上堂云道在日用日用不知饑只喫飯寒只添衣晴天愛日掛枯藜點簡溪頭梅樹向陽偷放南枝師徵云還灼然會得麼若會許你識得臨濟大師人境俱不奪之句雖然直須親到若不親到也是抱椿搖櫓有甚麼用處

舉仰山問鴻山如何是西來意鴻云大好燈籠仰云莫只這箇便是麼鴻云只這箇是什麼仰云大好燈籠鴻云果然不識師徵云汝等叅詳也未且道當時仰山會得西來意恁麼酬不會西來意恁麼酬你若道會鴻山又道果然不識若道不會仰山又道只這

撰述

四

箇便是會與不會且置如何是西來意

舉興化道三聖逢人則不出出則便爲人興化則不然我逢人則出出則不爲人雪巖頌云美晴微雨濕春風柳自青青花自紅寄語遊人急回首歌樓不在畫橋東師徵云你看二大老作略被雪巖翁一頌徹骨徹髓撒向諸人面前了也還會麼若會得爲人也得不爲人也得如未會爲人也不得不爲人也得

參

舉僧問趙州和尚學人乍入叢林乞師指示州云喫粥了也未僧云吃粥了州云洗鉢孟去其僧有省師

徵云今時叢林或三百五百那箇不知道喫粥了洗鉢孟去且道當時其僧省箇什麼

舉祖師道執之失度必入邪路放之自然體無去住師徵云且道執又執箇什麼放又放箇什麼你向不執不放處道將一句來看

舉雲門普請搬柴次門拈一片拋下云一大藏教祇說這箇師徵云既是一大藏教祇說這箇何故又道教外別傳諸人試說看若說得許汝通一大藏教舉臨濟行脚到龍光值上堂濟出問不展鋒鋩如何得勝光據座濟云大善知識豈無方便光瞪目云嗄

撰述

東門和尚詩卷

濟以手指云這老漢今日敗闕也師徵云臨濟大師行脚時氣吞諸方如獅子遊行自無伴侶雖然太露鋒鎚了也諸人不展鋒鎚道將一句來看

舉僧問洞山相逢不拈出舉意便知有時如何洞乃合掌頂戴師徵云且道洞山是肯伊是不肯伊

舉僧問雲門十二時中如何卽得不空過門云向甚麼處著此一問僧云學人不會請師舉門云將筆硯來僧乃將筆硯來師徵云諸人十二時中莫空過不若空過常時碌碌若不空過終日閑閑看取雲門大師遂題其頌曰舉不顧卽差互擬思量何刦悟參

舉僧問法眼如何披露卽與道相應眼云汝幾時披露卽與道不相應師徵云相應不相應且置汝等還曾披露也未若披露老僧許你相應若未披露管教不相應在咄

舉金剛經云若見諸相非相卽見如來法眼云若見諸相非相卽不見如來天童拈云世尊說如來禪法眼說祖師禪會得甚奇特不會也相許師徵云天童恁麼和會將來也要諸人簡點磬山道如來禪祖師禪卽不問你向諸相中指出箇非相來看拈柱杖云切忌動著動著則打折你驢腰

換述

大般若經卷第

舉湧山坐次仰山入來湧云寂子速道莫入陰界仰云慧寂信亦不立湧云子信了不立不信不立仰云祇是慧寂更信阿誰湧云若恁麼即是定性聲聞仰云慧寂佛亦不立師徵云快哉你看仰山如珠走盤縱橫無礙還識得麼如識得卽向前速道速道莫入陰界

舉洞山云體得向上事方有些子語話分僧問如何是語話山云語話時闇黎不聞云和尚還聞不山云不語話卽聞師徵云藏身處沒踪跡沒踪跡處莫藏身洞山老漢得之矣喎汝等還聞麼若聞須知有向上事若知向上事聞與不聞遠之矣

舉僧問首山如何是佛山云新婦騎驢阿家牽云未審此語什麼句中收山云三玄收不得四句豈能該云此意如何山云天長地久日月齊明師徵云還識得首山老漢紫羅帳裏撒真珠麼有僧問如何是紫羅帳裏撒真珠師云阿家牽驢新婦騎會麼云不會師云切忌妄生穿鑿

舉僧問新興如何得出三界去興云汝還信麼云信則深信乞師慈悲興云祇此信心亘古亘今快須究取何必沉吟要出三界三界唯心師徵云既是唯心

撰述

有什麼出入衆中有人道取一句看更聽頌云若得信心無古無今非舍非取有韻有吟空觀三界卽達唯心

舉僧問灌溪如何是一色溪云不隨僧云一色後如何溪云有閻黎承當分也無師徵云今時人造到這裏都坐在一色邊還知灌溪老答處麼直饒明得到磬山正好喫棒

舉三聖問僧近離甚處僧便喝聖亦喝僧又喝聖亦喝僧云行棒卽瞎便喝聖拈棒僧乃轉身作受棒勢聖云下坡不走快便難逢便棒僧云這賊便出去次

有僧問適來爭容得這僧聖云是伊見先師來師徵云若識得三聖與此僧交鋒處堪爲濟下兒孫且道次僧恁麼問三聖答他道是伊見先師來是肯伊不肯伊時有僧欲進語師卽喝出

舉興化問雲居權借一問以爲影草時如何居無對化云想和尚答此話不得不如禮拜了退二十年後居云如今思量當時不消道箇何必後遣化主到興化處化問和尚住三峰時老僧問伊話對不得如今道得也未僧舉前話化云雲居二十年祇道得箇何必興化卽不然爭如道箇不必師徵云古人一機未

概述

透積歲窮研。豈肯造次胡言亂道。今人不揣已分。纔入門來學些口頭三昧。便要爲人師範。可不深愧古人乎。且道當時雲居道箇何必興化道箇不必還有優劣也。無試道看。

舉曹山辭洞山洞。遂密授洞上宗旨。復問云。子向什麼處去。曹山云。不變異處去。山云。不變異處。豈有去耶。云去亦不變異。師徵云。古今師資道合。豈造次成就耶。當時曹山事師數載。親承實授。臨別洞山尚不肯放過。云子向甚麼處去。洞山向伊一拶道。不變異處。豈有去耶。云去亦不變異。看曹山此語穩密無以

加矣。然在臨濟門下。正好喫棒。不見洛浦當時自謂了。當別濟南去。當仁不讓。濟以拄杖畫一畫。云過得這箇便去。浦乃喝濟。便打浦禮拜而去。濟明日上堂。云臨濟門下有箇赤稍鯉魚搖頭擺尾向南方去。不知落誰家。蘆蘆裏。醜殺他。日果跳不出夾山圈縛子。可見臨濟大師。豈輕授受乎。然而洛浦亦不越師之記。蘚雖然到這裏。諸人向不變異處。道將一句看道得。許你前去道不得。按下雲頭叅。

舉大涅槃經云。十二因緣法下智觀。故得聲聞菩提中智觀。故得緣覺菩提上智觀。故得菩薩菩提上上

智觀故得佛菩提師徵云大小世尊說如來禪也所以道依經解義三世佛冤離經一字卽同魔說且道衲僧家又作麼生道驀卓拄杖云千山勢到嶽邊盡萬派宗歸海上消

舉丹霞問僧甚麼處宿云山下宿霞云甚麼處喫饭云山下喫饭霞云將飯與閻黎喫的人還具眼也無僧無語師徵云諸人終日喫饭還識得此人麼若識得此人許你具一隻眼

舉鼓山到玄沙沙作一圓相示之山云人人出這箇不得沙云情知你向驢胎馬腹裏作活計山云和尚又作麼生沙云人人出這箇不得山云和尚與麼道却得某甲爲什麼道不得沙云我得汝不得師徵云二大老如兩鏡相照咸云人人出這箇不得優劣在什麼處一得一不得且道人人旣不出這箇驢馬還出得麼試道看

舉保福僧到羅漢琛禪師處漢問彼中佛法如何云有時道塞却你眼教你覷不見塞却你耳教你聽不聞坐却你意教你分別不得漢云吾問汝不塞你眼見箇什麼不塞你耳聞箇什麼不坐你意作麼生分別師徵云還知麼二大老一縱一奪殺活自在俱爲

撰述

東隱居言錄

作家磬山今日塞與不塞置之弗論且道根根塵塵周徧法界誰與你安名還識得此人麼

舉石頭問龐居士云子見老僧來日用事作麼生士云若問日用事卽無開口處乃呈偈云日用事無別唯吾自偶諸頭頭非取捨處處沒張乖朱紫誰爲號丘山絕點埃神通并妙用運水及搬柴師徵云老龐道日用事卽無開口處且道旣無開口處這一落索從何處得來若知他落處開口也得不開口也得雖然我問你日用事響

舉長生問靈雲混沌未分時舍生何來靈云如露柱

懷胎云分後如何靈云如片雲點太清云未審太清還受點也無靈不答云恁麼則舍生不來也靈亦不答云直得純清絕點時如何靈云猶是真常流注云如何是真常流注靈云似鏡長明云向上更有事也無靈云有云如何是向上事靈云打破鏡來與汝相見師徵云當時靈雲兩處不答是何意你看古人琢磨到純清絕點處喚作真常流注似鏡長明直須知有向上一著不然則命根不斷所以道打破鏡來與汝相見驀拈拄杖云諸人還曾到這田地麼若未到這田地卓下拄杖云決不孤負參

撰述

卷一百一十五

十一

舉石門蘊禪師在青林作園頭一日歸侍立次林云子今日作什麼來蘊云種菜來林云徧界是佛身子向甚處種蘊云金鉢不動土靈苗在處生林欣然來日入園喚蘊閣黎蘊應諾林云剩栽無影樹畱與後人看蘊云無影樹豈受栽耶林云不受栽且置你曾見他枝葉麼蘊云不會見林云既不會見爭知不受栽蘊云祇爲不會見所以不受栽師徵云終日蒲團上靜悄悄地菜不擇一莖米不揀一粒謂之參禪辨道還識得古人親切處麼你看他隨方應用都合其宜信手拈來頭頭本具打一拄杖云受栽不受栽且

置無影樹子聾

舉鴻山因劉鐵磨來云老犛牛你來也磨云來日臺山大會齊和尚還去麼鴻山作卧勢磨便出去中峰和尚拈云鴻山被劉鐵磨一拶拶倒要起起不得鐵磨被鴻山一推推轉要住住不得本上座與麼批判多少人在背後敵斷拇指師徵云中峰老人恁麼道你道他還知二老落處麼若知落處何故道要起起不得要住住不得試道看

舉趙州訪一菴主便云有麼有麼主鑒起拳頭州云水淺不是泊舟處便去又訪一菴主亦云有麼有麼

撰述

卷一百一十五

主亦豎起拳頭州云能縱能奪能殺能活禮拜而去
師徵云趙州老人問處一般二菴主答處不別爲什
麼一肯一不肯諸人還知利害在什麼處

舉僧問風穴語默涉離微如何通不犯穴云常憶江
南三月裏鷓鴣啼處百花香師徵云旣作臨濟兒孫
須識臨濟綱宗始得不然未免傷鋒犯手或有人問
磬山語默涉離微如何通不犯豎起拂子云見麼且
道與古人是同是別不見當時佛鑑老人頌云彩雲
影裏仙人現手把紅羅扇遮面急須著眼看仙人莫
看仙人手中扇

舉心地觀經云此法名爲一切凡夫入如來地頓悟
法門此法名爲三世諸佛自受法樂微妙寶宮此法
能引諸菩薩衆到色究竟自在智處此法能與生死
長夜作大智燈師徵云諸人看這黃面老子在靈山
會上百萬人天衆前拈出也甚奇特雖然且道如何
是此法驀卓拄杖云擬之則差強之則隔道道

舉臨濟大師道有時奪境不奪人有時奪人不奪境
有時人境俱奪有時人境俱不奪師徵云作麼生是
奪境不奪人作麼生是奪人不奪境作麼生是人境
俱奪作麼生是人境俱不奪你若一一透過作得臨

濟門下兒孫你若透不過却被人境埋沒了也喝一
喝云且道那裏是人那裏是境叅
舉僧問法眼求佛知見何路最徑眼云無過此師徵
云還識得法眼老人最徑路麼切忌動著動著打破
你頭皮

代古

舉世尊因自恣日文殊三處過夏迦葉欲白槌擯出
纔拈槌乃見百千萬億文殊迦葉盡其神力槌不能
舉世尊遂問迦葉汝欲擬擯那箇文殊迦葉無對師
代云來說是非者便是是非人一齊擯却傍有不甘

者出來道磬山老漢有甚長處開此大口便合掌向
前云汝真文殊

舉大宋太宗皇帝因入寺見僧看經問云看什麼經
對云仁王經既是寡人經爲甚在卿手裏僧無語師
代云一人有慶兆民賴之又因僧朝見帝問甚處來
云卧雲來帝云朕聞卧雲深處不朝天爲什麼却到
這裏僧無語師代云弘恩難報

舉閩王問報慈禪師報慈與神泉相去近遠慈云若
說近遠不如親到慈却問大王曰應千差是甚麼心
王云甚麼處得心來慈云豈有無心者王云那邊事

作麼慈云請向那邊問王云大師謾別人卽得慈無語師代云此猶是這邊事

舉明招謙在婺州智者寺爲第一座尋常不受淨水主事云不識觸淨淨水也不肯受謙下禪牀提起淨瓶云這箇是觸是淨主無語師代云老僧住持事煩上座休怪

舉楚石禪師入寮見僧看經問云看的是甚麼經僧云是金剛經石云我不問你金剛經看底是甚麼經僧無語師代云意欲別道則恐斬頭覓活

舉雲蓋山僧乞瓦造殿有官人問既是雲蓋何用乞

瓦僧無語師代云寒暑不常

舉悟空禪師問座主講甚麼經云法華經空云有說法華經處我現寶塔當爲證明座主贊請甚人證明座主無語師代云尊德不淺

舉投子示衆云汝等諸人盡道我實頭若出門三步有人問你作麼生是投子實頭處作麼道衆無語師代云恩大難酬

舉楚石與衆僧觀海次僧問祇是一片水因甚麼喚作海楚云祇是一片海因甚麼喚作水你且道源從何來僧云從一滴來楚云一滴又從何來僧無語師

撰述

三門和尚詩集卷一

代云當時磬山若在以手急掩其口塞却這漏洞
舉雪竇問僧甚處來云摘茶來雪云人摘茶茶摘人
不問你無底籃子重多少僧無語師代云自從雲水
來且喜無人較

舉楚石禪師一日因施主送楊梅僧就盒拈起問云
一般楊梅爲什麼有赤有白石以盒子合却云見箇
甚麼僧無語師代云若是某甲便翻轉盒子請和尚
再鑑石又揭開盒云響僧又無語石云你只是箇無
開合漢師代云待揭開盒子便云和尚用赤底也好
用白底也好

舉玄沙禪師在雪峰時光侍者謂沙云師叔若學得
禪某甲打鐵船下海去沙住後問光云打得鐵船也
未光無對師代云磬山若作光侍者輕輕對他道師
叔且喜叅得禪也看他如何去就

舉長慶上堂大衆集定乃搜出一僧云大衆禮拜此
僧又云此僧有甚長處便教大衆禮拜衆無對師代
云和尚何得誘人犯法雖然如是磬山今日設若推出箇僧來大衆禮拜即是不禮拜即是或云和尚何
得誘人犯法我也知你學語之流

舉古鵠子趁鴿子鴿子飛向佛殿欄干上顫有人問

撰述

尹昉和合真言金言

僧一切衆生在佛影中常安常樂鶴子見佛爲甚麼
却顛僧無語師代云冤有頭債有主

舉道匡禪師拈起鉢囊問僧道直幾錢僧無對師
代云和尚從甚處得來

舉昔有一道流在佛殿前背佛坐僧云道士莫背佛
道云大德本教中道佛身充滿於法界向甚麼處坐
得僧無語師代云許你具一隻眼

舉有一行者同法師入佛殿行者向佛而唾法師云
行者少去就何以唾佛者云將無佛處與某甲唾法
師無語師代云許你燒得香換得水

有僧與童子上經了令持經著函內童云某甲念底
著向那裏僧無語師代云汝在甚處將來

舉一僧在經堂內不看經每日打坐藏主云何不看
經云某甲不識字主云何不問人僧近前叉手鞠躬
曰這箇是甚麼字主無語師代云識也識也

舉一老宿因江南國主問我有一頭水牯牛萬里無
寸草未審向甚麼處放宿無對師代云不卧寒雲谷
長耕大地春

舉一老宿見僧來豎起火筒云會麼云不會宿云二
十年用不盡底僧却問三十年前用箇甚麼宿無對

撰述

釋名卷之八

十一

師代放下火筒云汝會得許汝親見老僧

舉明招到坦長老處坦云夫叅學一人所在亦須到半人所在亦須到明便問一人所在卽不問作麼生是半人所在坦無對師代云我這裏半人也無坦後乃令小師問明明云汝識半人所在麼也祇是弄泥團漢小師無語師代云謝和尚教誨而今若有人問磬山如何是半人處對他道病魚止灤困鳥栖蘆

舉裴相國啓建法會問僧看什麼經云無言童子經有幾卷云兩卷云既是無言爲甚麼却有兩卷僧無對師代云莫會無言好

有人問僧點甚麼燈僧云長明燈云甚麼時點云去年點云長明何在僧無語師代云瞞他半點不得有僧入冥見地藏菩薩藏問你平生修何業僧云念佛華經云止止不須說我法妙難思爲是說是不說僧無語師代云謝指示

有一官人入鎮州天王院覩神像問院主云此是甚麼功德云護國天王云祇是護此國偏護餘國云在秦爲秦在楚爲楚云曆月二十九日打破鎮州城天王向甚麼處去主無對師代云無刹不現身普門經舉僧問石霜咫尺之間爲甚不覩師顏霜云我道偏

撰述

界不曾藏僧後問雪峰徧界不曾藏意旨何如峰云什麼處不是石霜僧回舉似霜霜云這老漢著什麼死急僧無語師代云和尚也不得藏頭露尾

舉藥山問僧甚麼處來僧云湖南來山云洞庭湖水滿也未僧云未山云許多時雨水爲甚未滿僧無語師代云某甲未雨水前離彼

舉雪峰搬柴次乃於洞山前拋下山云重多少峰云盡大地人提不起山云爭得到這裏峰無語師代云也知和尚識分量拂袖便行

舉瑞巖謁夾山山問甚處來云卧龍來山云來時龍

還起也未瑞乃顧視之山云炎瘡瘢上更著艾煥云和尚又苦如此作什麼山休去師代云龍生龍鳳生鳳

舉僧侍玄沙和尚沙以杖指面前地上白點云還見麼云見如是三問僧亦如是三答沙云你也見我也見爲甚麼道不會師代云和尚慈悲恩逾父母

舉雪峰一日陞座衆集定輒出木毬玄沙遂捉來安在舊處峰便休師代云放你三十棒大眾且道是賞伊是罰伊

舉泗州塔頭侍者及時鎖門有人問既是三界大師

撰述

天理和合金鏡卷一

九

爲甚麼被弟子鎖侍者無對師代云開來也

泗州塔前一僧禮拜有人問上座日日禮拜還見大聖麼僧無對師代云這一問從何來

舉鏡清再參雪峰云甚處來清云嶺外來峰云什麼處逢達磨清云更在甚麼處峰云未信汝在清云和尚莫恁麼粘泥好峰便休師代云老僧年邁賴子殷勤

舉玄沙和尚問明真禪師善財參彌勒彌勒指歸文殊文殊指歸佛處汝道佛指歸甚處云不知沙云情知汝不知師代云老大大作這箇見解

舉臨濟到京行化至一人家門首云家常添鉢有婆云太無厭生濟云飯也未嘗得言太無厭生婆便閉却門師代云情知你惺恪

舉仰山住東平時鴻山令僧送書并鏡至仰上堂提起示衆云且道是鴻山鏡東平鏡若道東平鏡又是鴻山送來若道鴻山鏡又在東平手裏道得則畱取道不得則撲破去也衆無語仰撲破便下座師代云某甲若在會中遂向前叉手而立云請和尚鑑

舉楊岐和尚問僧敗葉堆雲相離何處云觀音岐云觀音脚下一句作麼生道云適來相見了也岐云相

撰述

五代和尙錄卷八

三

見底事作麼生僧無對師代云和尚萬福岐云第二座代參頭道看亦無語師代云我若答和尚昧却第一座也岐云彼此相鈍置師代云賴和尚年尊舉報恩禪師問彥上座從上諸聖及諸先德還有不悟者也無彥云若是諸聖先德豈有不悟者恩云一人發真歸源十方虛空悉皆消殞今天台山巍然如何消殞去彥不知所措師代云天台山不肯和尚恁麼道大笑去也

舉僧問踈山如何是諸佛師山云何不問踈山僧無語師代云這老賊又云若問踈山踈山則不肯恁麼侍者笑禮拜而出

舉仰山一日指雪獅子問衆云有過得此色者麼衆無對師代云磬山若在便向一指輕輕道和尚這喚作甚麼色

舉僧問香嚴如何是西來意嚴以手入懷作拳展開與之僧乃跪膝以兩手作受勢嚴云是什麼僧無對師代云諸佛亦不識

撰述

有俗士獻畫帳子與文益禪師益云汝是手巧心巧
云心巧益云那個是汝心士無對師代云和尚更要
一簷那

舉欽山與巖頭雪峰坐次洞山行茶來欽乃開眼洞
云甚麼處去來云入定來洞云定本無門從何而入
欽無語師代云這一問從何而出

舉良巨禪客參欽山禮拜了便問一鎌破三關時如
何欽云放出關中主看良云恁麼則知過必改欽云
更待何時良云好隻箭放不著所在便出去欽云且
來閣黎良回首欽下禪床擒住云一鎌破三關且置

試爲欽山發箭看良擬議欽打七棒云且聽亂統漢
疑三十年師云衆中還有人代得良巨一轉語麼顧
視左右如無老僧代一轉語待欽山道發箭看劈面
一拳直饒欽老有棒也下手不得雖然如是切莫亂
統喎

舉韶國師叅朱谿纔叅次聞犬咬靈鼠聲韶便問是
什麼聲谿云犬咬靈鼠聲韶云既是靈鼠爲什麼却
被犬咬谿云咬殺也韶云好箇大谿便打韶云莫打
某甲話在谿休去師代云速道速道

舉僧問趙州毘目僧行善財手見微塵佛時如何

州遂執僧手云你見箇什麼僧無語師代云謝師答話

舉僧問趙州如何得不被諸境惑州垂一足僧便出鞋州收起足僧無語師代云大慈悲故

舉佛眼禪師垂示云上座未來此間時無一人上座既來此間後有一人上座祇是一人上座爲甚麼成有成無僧無語師代云禍不入慎家之門

舉佛眼禪師垂示云無目仙人能搖骨既是無目將什麼辨貴賤師着語云摸着鼻頭喚作眼又云有人問你隨問隨答無人問你時作麼生道師着語云掩

耳偷鈴漢又云有情說法易見無情說法難聞祇如無情說法什麼人得聞師著語云從那裏得這消息又云芥子納須彌且問你諸人卽今在芥子內芥子外若道在芥子外如何納得須彌若道在芥子內許多大身材如何却在芥子內師着語云內外且置喚什麼作芥子又云三界惟心萬法惟識

舉智門祚禪師示衆十一問師答復徵問問登天不假梯徧地無行路正當潛麼時向什麼處安身立命師答遍界不曾藏復云遍界不曾藏切忌絕商量諸人還見麼

問千人排門不如一人拔關還有人拔得關麼試對衆道看若道不得且居門外師答我若當時在會從西過東從東過西却依位而立復云關諸人又作麼生拔得

問三十年前卽不問你三十年後不用將來正當卽今還道得麼若道不得一處不通兩處失功師答天長地久日月齊明復云普諸人如何道

問荆棘林中卽不問你出身一句作麼生道師答三脚驢子弄蹄行復云險諸人又如何出身

問天下行脚道我參禪你道禪是什麼義師云眉分

八字復云擬議則白雲萬里諸人作麼生參

問鉢盂無底成得箇什麼師答不從手得或云不從手得將什麼喫飯師云沒却你鼻孔諸人作麼道

問天降時雨爲什麼枯木不生花師答切忌枝頭覓復云切忌枝頭覓如何是根本諸人作麼生得見

問衲僧須是透得名句身句方可具得衲僧一隻眼還有道得底麼師答拄杖子蹲跳復云拄杖子蹲跳還出得名身句麼諸人如何透

問滿口道不着底句還有人道得麼師答却被和尚道着復云道着卽不無道不着底諸人又作麼生道

80

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

問秋初夏末遊山覩水且從你驀劄一問快道將來
師答山花開似錦澗水湛如藍復云這猶是遊山覩
水驀劄一問諸人道將來

問出門一句不問你萬里無雲道將一句來師答青
天也須喫棒復云且道過在什麼處諸人試說看

問大劉 早詣龜山憩林木不走林間谷口自尋鹿
牛耕地 朴樸叟君頭云異狀小莫非精入此
問健平 無愧九泉骨肉甘恩神若不發于情生
六爲後漢歸嘉限白雲萬里踏入外鄉土



80 1 2 3 4 5 6 7 8 9 100 1 2 3 4 5 6 7 8 9

モ、九